

尚書今古文集解

皇清經解續編卷三百二十三

南菁書院

尚書今古文集解二

武進劉逢祿中受著

皋陶謨第二 夏書

曰若稽古

正義鄭以皋陶下屬爲句

白虎通聖人篇何以言皋陶聖人也以目篇曰若稽古皋陶聖人而能爲舜陳道朕言惠可底行又旁施象刑維明段云帝堯曰放勳此本紀記事體之祖也皋陶曰云云此記言之體也皆以曰若稽古先之夏史所作故皆云稽古也作偽大禹謨者不得其句讀開端便非體矣

皋陶曰允迪厥德謨明弼諧

皋陶說文引作咎繇夏本紀訓爲信其道德謀明輔和莊云今文當

爲允厥

迪德

禹曰俞如何皋陶曰都慎厥身修思永本紀俞訓然都訓於永訓長正義曰身修句結

傳曰慎修其身思為長久之道

惇敘九族庶明勵翼邇可遠在茲段云正義以鄭王傳訓厲三合傳勉勵之訓非也當從蜀志引

作厲本紀訓為厲為高茲為已

鄭曰敘次序也庶眾也厲作也序九族而親之以眾賢明作

輔翼之亞此政由近可以及遠也 謹案禮大學修齊治平

中庸九經之義本諸帝典此四語亦總攝之

禹拜昌言曰俞孟子趙注引書曰禹拜謏言逸周書祭公解作謏言偽孔訓為當釋文當丁浪反本亦作謏當

反謏

皋陶曰都在知人在安民

傳曰歎修身親親之道在知人所信任在能安民

禹曰吁咎若時惟帝其難之知人則哲能官人安民則惠黎民
懷之能哲而惠何憂乎驩兜何遷乎有苗何畏乎巧言令色孔
壬

鄭曰禹爲父隱故言不及鯀也 後案孔壬卽公羊所謂甚
佞也傳以巧言爲靜言庸違令色爲象恭滔天則是其工之
行也

皋陶曰都亦行有九德亦言其人有德

段云本紀曰字下作然於則今文本多一俞字

人字衍唐元度覆
定石經亦刪人字

乃言曰載采采

本紀訓爲
始事事

傳曰人性行有九德以考察眞僞則可知載行采事也稱其
人有德必言其所行某事某事以爲驗

禹曰何皋陶曰寬而栗柔而立愿而恭亂而敬擾而毅直而溫簡而廉剛而塞彊而義

本紀恭作共段云共訓俱與恭數字別當是今文本本紀徐廣注擾一作柔段

云管子擾桑卽毛詩柔桑擾說文作擾隸變從憂耳玉篇引作懷云牛桑謹也從也安也又馴也塞說文引書作塞段云壁中故書孔以今文讀爲塞彊而義後漢書楊震傳引作彊而誼王伯申云唐初本當作誼此衛包所改義通儀善也

鄭曰寬謂度量寬宏柔謂性行和柔擾謂事理擾順三者相類卽洪範云柔克也愿謂容貌恭正亂謂剛柔治理直謂身行正直卽洪範云正直也簡謂器量疑簡剛謂事理剛斷彊謂性行堅彊三者相類卽洪範云剛克而九德之次從寬而至剛也惟擾而毅在愿亂之下耳其洪範三德先人事而後天地擾馴也致果曰毅凡人之性有異有其上者不必有下有其下者不必有上下相協乃成其德

彰厥有常吉哉

本紀彰作章

鄭曰人能明其德所行使有常則成善人矣 謹案立政庶

常吉士本此

曰宣三德夙夜浚明有家曰嚴祗敬六德亮采有邦

夙夜浚明本紀作蚤

夜翊翊段云翊今文爾雅翊明也重言之猶無逸之皇暇也馬及傳當是俟字之誤嚴釋文馬徐魚檢反祗本紀作振古通用

鄭曰三德六德皆亂而敬以下之文 馬曰浚大也亮信采

事也 傳曰三德九德之中有其三宣布夙早浚須也卿大

夫稱家言能日日布行三德早夜思之須明行之可以爲卿

大夫日日嚴敬其身敬行六德以信治政事則可以爲諸侯

翫受敷施九德咸事俊乂在官百僚師師百工惟時

敷本紀訓普釋文僚

本又作寮

鄭曰才德過千人為俊百人為父 傳曰翕合也能合受三為六之德而用之以布施政教使九德之人皆用事謂天子如此則俊德能治之士並在百僚工皆官也師師相師法百官皆是言政無非

撫于五辰庶績其凝

鄭曰凝成也 馬曰凝定也 傳曰言百官皆撫順五行之時厥功皆成 朱武曹云五辰即四時

無教逸欲有邦兢兢業業一日二日萬幾

段云無今文多作毋教王嘉傳引作敖逸

作佚邦作國幾作機亦今文本紀作毋教邪淫奇謀或向書本作教而博士讀為教

馬曰一日二日猶日日也

謹案易曰幾者動之微吉凶先

見者也又曰惟幾也故能成天下之務言萬幾者合庶官言之

無曠庶官天工人其代之

王曰天不自下治之故人代天居之不可不得其人也

天敘有典勅我五典五惇哉

五經文字數古勅字今相承作勅釋文有典馬作五典

謹案典帝也白虎通性情篇五常謂仁義禮智信惇厚也

天秩有禮自我五禮有庸哉

釋文有庸馬作五庸

鄭曰五禮天子也諸侯也卿大夫也士也庶民也 王曰五

禮謂王公卿大夫士 傳曰庸常也自用也天次秩有禮當

用我公侯伯子男五等之禮以接之使有常 後案此經五

禮泛言平日通於天下故鄭兼天子及庶民言之傳專指五

等諸侯非也

同寅協恭和衷哉

鄭曰并上典禮共有此事

天命有德五服五章哉

鄭曰五服十二也九也七也五也三也 書大傳天子衣服

其文華蟲作繪宗彝藻火山龍諸侯作繪宗彝藻火山龍子

男宗彝藻火山龍大夫藻火山龍士山龍山龍青也華蟲黃

也作繪黑也宗彝白也藻火赤也天子服五諸侯服四次國

服三大夫服二士服一鄭注元或疑焉華蟲五色之蟲藻水

艸蒼色 謹案漢輿服志永平二年詔有司采周官禮記尚

書乘輿服從歐陽說公卿以下從大小夏侯氏說

天討有罪五刑五用哉政事懋哉懋哉

討說文作敵段云壁中本用後漢梁統傳引作

庸懋董仲舒傳引作茂爾雅釋文茂哉或作茂才

傳曰敘典秩禮命德討罪無非天意故人君聽政治事不可

不勉

天聰明自我民聰明天明畏自我民明威

孫云自疑古肅字說文肅用也讀若庸釋

文畏徐音威馬本作威後案鄭同馬

鄭曰天之所謂聰明有德者由民也言天所善惡與民同

謹案孟子引太誓天視自我民視天聽自我民聽義本此明

威言賞罰呂刑德威惟畏德明惟明本此

達于上下敬哉有土

傳曰天所賞罰惟善惡所在不避貴賤有土之君不可不敬

懷

皋陶曰朕言惠可底行禹曰俞乃言底可績皋陶曰予未有知

思曰贊贊襄哉

釋文續本亦作述知如字徐音智思如字徐音息吏反王案曰如字本紀作思贊道哉

傳曰贊明也襄之言揚言我未有所知思徒贊明帝德揚我

忠言而已謙也 馬曰襄囚也 王曰贊贊猶贊奏也

帝曰來禹汝亦昌言禹拜曰都帝予何言予思曰孜孜

孜孜本紀作華

華後案東晉分帝曰來禹下爲益稷今就鄭氏原本

王曰帝在上皋陶陳謀于下已備矣我復何所言乎

皋陶曰吁如何禹曰洪水滔天浩浩懷山襄陵下民昏墊

鄭曰昏沒也墊陷也禹言洪水之時人有沒陷之害

予乘四載

本紀無乘四載三字但云予陸行乘車水行乘舟泥行乘橈山行乘櫟河渠書引夏書乘櫟爲蹈橈乘櫟

爲卽橋樑通志引夏書乘櫓爲則榻餘同夏本紀說文木部
櫓字下引虞書山行乘櫓澤行乘漕餘同夏本紀尸子櫓作
蕒

傳曰所載者四謂水乘舟陸乘車泥乘楯山乘櫓 段氏曰
華榻橋同字櫓與輦異字同義一物而異名也輦自其乘載
而言櫓自其輓引而言輦大索也此聲義之皆相倚者也榻
漢書作輦如漚注輦音茅蕒之蕒謂以板置泥上以通行路
也 謹案輦裴駰引如漚注云榻謂以鐵如椎頭長半寸施
之履下以上山不蹉跌也

隨山刊木

說文木部棨檣檣也从木殳闕夏書曰隨山刊木讀
若刊築作棨段云棨壁中故書李斯改棨爲棨則孔
子圃以今文讀爲棨說文云檣檣者檣表斫也表斫木使其
曰多以爲道路高下表識如孫子斫樹白書之類唐石經改
爲刊非是本紀

爲山行棨木

暨益奏庶鮮食

本紀爲令益子取庶稻可種卑溼又云與益子取庶稻鮮食蓋刪之未盡也

馬曰鮮生也

傳曰鳥獸新殺曰鮮與益槎木獲鳥獸民以

進食

予決九川距四海濬畎澮距川

段云距當作距本紀訓爲致作距者衛包所改說文川部引虞

書濬（（距川此壁中故書谷部引作容畎澮距川此孔子國以今文讀之者也濬本紀作浚

鄭曰畎澮田間溝也澮所以通水于川也 王曰九川者九

州之川也 孫氏伯淵曰河入北海濰淄沛入東海江漢入

南海弱水入西海不得以海晦之義解之

暨稷播奏庶艱食鮮食

釋文艱馬本作根段云鮮食本紀作食少疑今文本作食鮮屬下調有餘補不

足與古文說絕異

鄭曰禹復與稷教民種澤物菜蔬難厄之食授以水之眾

食謂魚鼈也 馬曰根食根生之食謂百穀

懋遷有無化居

懋書大傳作貿漢食貨志作楸師古曰楸與茂同漢志兩引皆有無爲句

王曰易居者不得空去當滿而去當滿而來也 謹案化古

貨字懋遷有無謂行貨爲商史記訓爲調有餘補不足也化

居謂居貨爲賈史記訓爲徙居王子雍訓易居卽何休說井

田之義三年一換土易居財均力平亦通

庶民乃粒萬邦作乂

本紀訓爲眾民乃定萬國爲治段云今文粒蓋作立詩思文作立毛不改字乂思文

鄭箋作艾王伯申云粒古文假借字鄭訓米失之

鄭曰粒米也乂養也眾民乃復粒食萬邦作相養之禮 王

氏伯申曰立定也作之言乍乍者始也乂治也承上決九川

以下言之

皋陶曰兪師女昌言禹曰都帝慎乃在位帝曰兪禹曰安女止
師汝昌言本紀作此而美也段曰師蓋今文
或作斯而之言女古通用女止本紀作爾止

鄭曰安女之所止無妄動動則擾民 孫云慎釋詁靜也大
學靜而后能安在止于至善義本此

惟幾惟康其弼直惟動丕應 侯志以昭受上帝天其申命用休
弼直本紀作輔德段云弼輔訓也直今文當作惠
侯志本紀作清意段云清與侯于音韻支清通轉

鄭曰天將重命女以美應謂符瑞也 莊曰禹重在君德言

九德之人皆所以輔成君德然後動則天下大應之帝又歎
息而求助于臣鄰也史記云清意以昭待上帝命侯亦訓待
是今文侯志二字屬下句讀 孫云釋詁惟思也幾殆也康
安也侯志如管子九守篇云虛心平意以待須也上帝下疑

脫命字

帝曰吁臣哉鄰哉鄰哉臣哉禹曰俞

鄭曰臣哉汝當爲我鄰哉鄰哉汝當爲我臣哉反覆言此欲其志心入禹

帝曰臣作朕股肱耳目

鄭曰動作視聽皆由臣也

予欲左右有民女翼

馬曰我欲左右助民汝當翼成我也

予欲宣力四方女爲

王伯申云爲讀如相爲之爲爲猶助也言助君宣力四方也

予欲觀古人之象日月星辰山龍華蟲作會宗彝藻火粉米黼

敵絺繡

釋文會胡對反馬鄭作繪繡本又作藻粉米說文作粉米徐本作絺音米絺徐勅私反又勅其反馬同鄭陟里

反○段云孔本本作繪孔訓爲會馬鄭本亦作繪馬鄭讀曰

繡書大傳係今文家說亦作繪說文玉部引書書藻火粉米當是壁中故書今文作藻作藻作粉者孔子國以今文讀也書大傳亦作藻又云說文糸部有絺字云繡文如聚細米也

附部無敵字絺鄭本作希

讀爲希蓋希附古今字

鄭曰繪讀爲繡謂畫也希讀爲希希絺也謂刺也宗彝虎雌

也謂宗廟之鬱鬯尊也宗廟彝器有虎彝雌彝故以宗彝名

虎雌也粉米白米也自日月至黼黻凡十二章天子以飾祭

服日也月也星也山也龍也華蟲也六者畫以作繪施于衣

也宗彝也藻也火也粉米也黼也敵也六者絺以爲繡施于

裳也至周而變之以三辰爲旂旗謂龍爲袞宗彝爲毳或損

益上下更其等差周禮有袞冕鷩冕毳冕袞冕鷩者各是其

服章首所畫舉其首章以名服耳衮是衮龍也衮冕九章以龍爲首鷩是華蟲也鷩冕七章以華蟲爲首毳是虎雉也毳冕五章以虎雉爲首虎毛淺雉毛深故以雉言之毳亂毛也王曰舜時三辰卽畫于旂旗不在衣也天子山龍華蟲耳傳曰日月星爲三辰華象艸華蟲雉也以五采成此畫焉宗廟彝尊亦以山龍華蟲爲飾藻水艸有文者火爲火字粉若粟米米若聚米黼如斧形黻爲兩己相背爲之精者曰絺五色備曰繡

以五采彰施于五色作服文明

鄭注大傳作章

鄭曰性曰采施曰色未用謂之采已用謂之色此十二章爲五服天子備有焉公自山龍而下侯伯自華蟲而下子男自

藻火而下卿大夫自粉米而下 馬曰此經日月星辰山龍
華蟲尊者在上藻火粉米黼黻尊者在下天子服日月而下
諸侯自龍衮而下至黼黻士服藻火大夫加粉米

予欲聞六律五聲八音在治忽以出納五言女聽聞書大傳五
行傳鄭注作
同在治忽夏本紀作來始滑集解鄭本滑作召音忽索隱古
文在治忽今文作采政忽漢律志引作七始詠段云古文在
治今文作七始亦作七政七亦作泰或誤來或誤采索隱謂
來采形相近滑忽聲相亂始又與治相似因誤為來始滑今
依今文音采政忽三字○謹案古文在作才與方相似治始
字相似孫云忽或作與與相相似今案周鼎忽作晉从爪从
白說文作囧無忽笏字皆借此故鄭
譌訓笏納本紀作入漢志又引作內

鄭曰六律舉陽陰從可知也習者忽也臣見君所秉書思對
命者也君亦有焉以出納政教于五官 傳曰在察天下治
理及忽怠者又以出納仁義禮智信五德之音施于民以成

化 段云漢志引書大傳書曰予欲聞六律五聲八音七始
詠以出內五言女聽言以律呂和五聲施之八音合之成樂
七始者天地人四時之始也順以歌詠五常之言聽之則順
乎天地序乎四時應人倫本陰陽原情性風之以德威之以
樂莫不同乎一惟聖人爲能同天下之意故帝舜欲聞之也
蓋七始卽七政左氏謂之七音周語謂之七律楚語謂之七
事安世房中歌亦作七始 王伯申云漢志以七始爲天地
人四時之始鄭注書大傳以爲七律二說本不同至隋鄭譌
始台爲一黃鐘天始林鐘地始太簇人始是謂三始姑洗爲
春蕤賓爲夏南呂爲秋應鍾爲冬是謂四時四時三始是以
有七如其說則天地人有始而四時無之於七始尙闕其四

何以謂之七始乎若謂十月應鍾爲冬始則姑洗蕤賓南呂
非春夏秋之始且七律出周初國語固有明文不應虞時已
有之鄭注及鄭譯之說不足信

予邊汝弼女無面從退有後言

弼本紀作拂段云古弼弼弗音同古文弼字亦作弗

欽四鄰庶頑譏說若不在時

鄭曰四近謂左輔右弼前疑後承

謹案本紀曰予敬四輔

臣諸眾譏嬖臣君德誠施皆清矣此訓欽四鄰三句也若詞
也禮云尊賢則不惑敬大臣則不眩論語舉直錯諸枉不仁
者遠矣

侯以明之撻以記之書用識哉欲竝生哉工以納言時而屬之
格則承之庸之否則威之

說文手部撻古文撻周書曰撻以記之段云周書當是虞書之誤古文撻

从虎未詳恐是通
字之誤格當作假

謹案侯以明之以下八句本紀無文正義及他書俱不出馬
鄭注說文又引作周書莊氏綬甲疑王肅等驛入不爲無見
禹曰俞哉帝光天之下至于海隅蒼生

傳曰光天之下至于海隅蒼蒼然生艸木言所及廣遠

萬邦黎獻其惟帝臣惟帝時舉敷納以言明庶以功車服以庸

誰敢不讓敢不敬應帝不時敷同日奏罔功

段云古文黎獻今
文當作黎儀漢泰

山都尉孔宙碑堂邑令費鳳碑斥彭長田君碑多用黎儀字
大誥民獻書大傳莽大誥作民儀謹案儀獻同聲同訓敷漢
書成帝紀及敘傳引作傳左氏引作賦庶左氏引作試誰疑
本作疇轉寫者以訓改之其張衡東京賦其惟帝臣李善注
引經文
作具

傳曰獻賢也萬國眾賢其爲帝臣帝舉是而用之使陳布其

言明之皆以功大小爲差以車服旌其能用之上惟賢其用
則下皆敬應上命而讓善帝用臣不是則遠近布同而日進
於無功以賢愚並位優劣其流故 謹案帝不時謂察言而
不試其功也敷同日奏罔功蓋言敷奏同日罔功華言而無
實也古人文義不拘耳潛夫論考績篇曰辭言應對各得其
文以覈其實則奉職不解而陳言者不得誣矣下引此經文
而說之是也同日如成周三年大比漢廷對策百有餘人之
制

無若丹朱傲惟慢遊是好傲虐是作罔晝夜維維罔水行舟朋

淫于家用殄厥世子創若時

本紀無若上有帝曰二字子創若是作子不能順時論衡以子創若

時屬下讀傲釋文字又作界段云界與說文合蓋壁中故書
孔子圖以今文讀爲敖管子引作敖作傲者衛包所改傲虐

之敵釋文五羔反傳釋爲敖戲說文敖出遊也今作傲亦衡
包所改雅雉潛夫論引作鄂鄂朋說文引作朋王容甫引後
漢書樂成靖王傳作風注風放也謹案風
與朋古同音古鳳字卽朋字當是今文本

鄭云丹朱見洪水時人乘舟今水已治猶居舟中雖雖使人
推行之朋淫淫門內 謹案漢書劉向上奏臣聞帝舜戒伯
禹毋若丹朱敖周公戒成王毋若殷王紂論衡遣告篇用之
又問孔篇尙書曰毋若丹朱敖惟慢遊是好謂帝舜勅禹毋
私不肖子也重天命恐禹私其子故引丹朱以勅戒之禹曰
予娶若時當是塗山二字之誤辛壬癸甲開呱呱而泣予弗子陳已行
事以往推來以見卜隱效已不敢私不肖子也蓋今文家說
有帝曰禹曰者義爲長而今文本之有無四字不可知也罔
晝夜額額詩大雅所謂式號式呼俾晝作夜也罔水行舟如

孟子所謂流連荒亡壞宮室以爲扞池棄田以爲囿園之類
僞孔取論語異蠹舟孔往陸地行舟解之非是異蠹舟卽天
問所謂覆舟斟尋異有勇力而善泗水亦非陸地行舟也予
創若是當從本紀屬上讀帝以己子商均不肖故亦不以繼
世也

娶于塗山辛王癸甲啟呱呱而泣予弗子

本紀娶上有禹曰二字娶于作子娶辛王

誤在娶上說文岫部龠會稽山也一曰九江當龠也民俗上以辛王癸甲之日嫁娶从岫余聲虞書曰子娶龠山段氏云龠壁中故書塗俗字釋文子如字鄭將吏反讀與樂記子諒同列子楊朱篇惟荒土功子產不字

鄭曰登用之年始娶于塗山氏三宿而爲帝所命治水 謹

案舜知天命在禹禹功遠當傳子而啟之賢不肖未可知

孟子

以爲賢立教也墨子非樂篇以爲淫佚康樂或得其實

故申命禹曰女子無若丹朱乃

可繼世禹言八年于外三過門而不入已所教育子者萬萬
不及二帝然而天與賢則與賢天與子則與子莫之爲而爲
莫之致而致人何容心哉

惟荒度土功弼成五服至于五千州十有二師外薄四海咸建

五長

弼本紀訓爲輔說文引作即段云壁
中故書作卽孔安國以今文讀爲弼

鄭曰荒奄也奄大九州四海之土敷土既畢廣輔五服而成
之去王城五百里爲甸服於周爲王畿其弼當侯服去王城
千里其外五百里爲侯服于周當甸服去王城一千五百里
其弼當男服去王城二千里又其外五百里爲采服于周爲
采服去王城二千五百里其弼當衛服去王城三千里又其
外五百里爲要服于周爲蠻服去王城三千五百里四面相

距爲七千里是九州之內也要服之彌當其夷服去王城當四千里又其外五百里曰荒服于周爲鎮服其彌當蕃服去王城五千里至于面方各五千里四面相距爲方萬里師長也九州州立十二人爲諸侯師以佐其牧外則五國立長使各守其職堯初制五服服各五百里要服之內方四千里曰九州其外荒服曰四海此禹所受地記書曰昆侖山東南地方五千里名曰神州者禹治水所弼五服之殘數亦每服者合五百里故有萬里之界萬國之封焉猶用要服之內爲九州州東方七千里七七四十九得方千里者四十九其一以爲圻內餘四十八八州分之而各得方千里者六春秋傳曰禹朝羣臣於會稽執玉帛者萬國言執玉帛者則九州之內

諸侯也其制時設牧以諸侯之賢者爲之師蓋每一師領百國州十有二師則每州于二百國也計一州方百里之國二百七十里之國四百五十里之國八百計有一千四百國以二百國爲名山大川不封之地餘有一千二百國八州凡九千六百國其餘四百國在圻內歟以王制之法準之八州通率封公侯百里之國一伯七十里之國二子男五十里之國四方百里者三封國七有畸至於圻內則子男而已 王曰五千里者直方之數若其回邪曲直動有倍加之較是直路五千里也治洪水輔成之者謂每服之內爲其小數定其差品各有所掌是禹輔成之也周禮大司馬法二千五百人爲師每州十有二師通計之一州用三萬人功總計九州用二

十七萬庸庸亦功也州境既有關狹用功必有多少例言三萬人者大都通塞爲然惟言用三萬人者不知用功日數多少治水四年乃舉用功蓋多矣不知用幾日也傳曰五服甸侯綏要荒也服五百里四面相距爲方五千里治洪水輔成之一州用三萬人功九州二十七萬庸薄迫也言至海諸侯五國立賢者一人爲方伯謂之五長以相統治以獎帝室異義今尙書歐陽夏侯說中國方五千里古尙書說五服旁五千里相距萬里許慎謹案以今漢地攷之自黑水至東海衡山之陽至于朔方經略萬里從古尙書說鄭氏無駁與許同也

王制疏

孫武曰夫帝王處四海之內居五千里之中焉

能盡專其利是以分建諸侯以其利利之使食其土之毛實

役其人民之力故賦稅無轉徙之勞徭役無怨曠之歎矣師覽

六百廿六

謹案五服方五千里孫子司馬選用今文說王肅及

傳從之許及馬鄭從古文說正義又引賈逵馬融以爲每面
三千里四面相距爲方六千里則非也蓋堯時夏域禹蹟所
至雖廣與漢同特以聲教所訖而言其實甸侯綏三服卽王
制所云方三十里爲建侯樹屏之地其要荒二服已有蠻夷
錯雜流放罪人之處矣州十有二師者卽舜肇十有二州咨
十有二牧之謂外薄四海咸建五長者五服之外立其君長
因其俗治之使不猾夏而已其詳蓋在汨作九其等篇 書
大傳古之處師八家而爲鄰三鄰而爲朋三朋而爲里五里
而爲邑十邑而爲都十都而爲師州十有二師焉家不行三

口者不朋由命士以上不朋鄭注州凡四十三萬二千家此
蓋虞夏之數也 謹案此紀戶口之數亦得備一義若後世
土斷之法也

各迪有功苗頑弗卽功帝其念哉

本紀迪訓道工爲
功爾雅迪作也

傳曰九州五長各道有功惟三苗頑凶不得就官善惡分別
帝曰迪朕德時乃功惟敘皋陶方祗厥敘方施象刑惟明

方白
虎通

崔駰大理箴引
作旁段云今文

鄭曰歸美于二臣 傳曰言天下蹈行我德是汝治水之功
有次序方四方禹五服旣成故皋陶敬行九德攷績之序于
四方又施其法刑皆明白史因禹功重美之 謹案本紀皋
陶于是敬禹之德令民皆則禹不如言刑從之舜德大明蓋

今文家異說傳所本也不及鄭義爲長 書大傳唐虞象刑
而民不敢犯苗民用刑而民興犯漸唐虞之象刑上刑赭衣
不純中刑雜履下刑墨幪以居州里而民恥之而反于禮鄭
注純緣也履履也幪巾也時人尙德義犯刑者但易之衣服
使不能冠飾以恥之也周禮罷民亦然上刑易三中刑易二
下刑易一輕重之差又云唐虞象刑犯墨者蒙帛犯劓者赭
其衣犯膺者以墨幪膺處而畫之犯大辟者布衣無領 謹
案荀子慎子孝經緯春秋緯說象刑義皆同大傳周書白虎
通刑德放皆以象五行相尅而作五刑馬融說象天道而作
刑蓋兼二義

喪曰夏擊鳴球搏拊琴瑟以詠

釋文夏徐古入反揚雄長楊賦
引作拊隔韋昭注拊搯也古文

隔為華段云古文拊為夏韋不言者或當時古今文皆作拊也明堂位作拊擊鄭注為祝故後案彼下無祝故故二文異解搏拊明堂位謂之拊搏周官太師禮記樂記謂之拊亦謂之相史記禮書謂之拊關徐廣曰一作搏關書大傳謂之拊革荀子謂之拊擊

鄭曰夏搏也夏擊鳴球以下數器鳴球即玉磬也磬縣也而以合堂之上樂玉磬和尊之也搏拊以韋為之裝之以楸形如小鼓所以節樂以詠者謂歌詩也書大傳曰古者帝王升歌清廟之樂以韋為鼓謂之搏拊禮郊特牲云歌者在上匏竹在下貴人聲也

祖考來格虞賓在位羣后德讓段云格當作假書大傳後漢肅宗紀引作假

馬曰言祖考此是舜除瞽瞍之喪祭宗廟之樂鄭曰祖考來格者謂祖考之神來至也虞賓謂舜以為賓即二王後丹

朱也羣后德讓者謂諸后助祭者以德讓也已上皆宗廟堂上之樂所感也 謹案孫氏伯淵曰說文德升也德讓言升降揖讓無失容也

下箛鼗鼓合止祝敔

鼗白虎通作鞀敔大司樂注作梧

鄭曰以下言舜廟堂下之樂故言下合樂言祝祝狀如漆箛中有椎合之者投椎于其中而撞之敔狀如伏虎背有刻以物揲之所以止樂

笙鏞以間

鏞大司樂注作庸厖頌磬大射儀頌磬注古文頌爲庸禮釋文及疏引書並作庸段云作鏞者衛包所

改或今文本假借

鄭曰東方之樂謂之笙笙生也東方生長之方故名樂爲生也西方之樂謂之庸庸功也西方物熟有成功亦謂之頌亦

是頌其成也以問者堂上堂下間代而作 傳曰鑄大鐘間迭也吹笙擊鐘

鳥獸賄賄 賄說文引作賄大司樂注同段云賄壁中書孔子國以今文讀爲賄說苑又引作鳩

鄭曰謂飛鳥走獸賄賄然而舞也 馬曰鳥獸荀簫也

簫韶九成鳳皇來儀 簫說文音部韶虞舜樂也書曰簫韶九成竹部又引虞舜樂曰簫韶左氏引韶簡段

云尚書古今文皆作簫左氏用假借字

鄭曰簫韶舜所制樂也樂備作謂之成成猶終也每曲一終必變更奏若樂九變人鬼可得而禮故致得鳳皇來儀雄曰鳳雌曰皇儀匹來儀言其止巢而成匹 傳曰韶舜樂名言簫見細器備鳳皇靈鳥儀有容儀 宋均注樂說曰簫之言肅舜時民樂其肅敬而繼堯道故謂之簫韶或云韶舜樂名肅舜時民樂其肅敬而繼堯道故謂之簫韶或云韶舜樂名

舞舜樂者其秉籥乎

夔曰於予擊石拊石百獸率舞庶尹允諧

鄭曰夔語舜曰磬有大小予擊大石磬拊小石磬則咸百獸相率而舞言聲音之道與政通焉庶眾也尹正也允信也言樂之所感使眾正之官信得其諧和

帝庸作歌曰勅天之命惟時惟幾

史記樂書記爲君臣相勅維是幾安段云今文家說勅本

紀作陟

鄭曰以戒臣 傳曰作歌以戒安不忘危勅正也奉正天命以臨民惟在順時惟在幾微 謹案段以作歌句絕云目下文意以勅天二句非歌詞不用韻也厥文學篇云勅與之韻天與命韻兩惟字爲韻時與幾合韻孰謂詩歌之祖而不用

韻者乎

乃歌曰股肱喜哉元首起哉百工熙哉

傳曰元首君也股肱之臣喜樂盡忠君之治功乃起百官之

業乃廣 王石臚云喜起熙皆興也故下云率作興事

皋陶拜手稽首殿言曰念哉

廣本紀作揚

鄭曰使羣臣念帝之戒

率作興事慎乃憲欽哉屢省乃成欽哉

段云屢當作與唐石經詩式居婁驕婁豐年尙

不誤此乃衛包所改

傳曰憲法也天子率臣下爲起治之事當慎汝法度敬其職

屢數也當數顧省汝成功敬終以善

乃賡載歌曰

廣本紀作製說文系部廣古續字謹案王尙書云說文賡當爲贊轉寫者以形近廣致誤耳說文無

廣字詳春秋考異宣三年陸渾下毛詩長庚傳庚續也古文尙書當作庚作廣者孔子國以今文讀之或衛包所改元首明哉股肱良哉庶事康哉

鄭曰載始也 傳曰廣續載成也帝欲歸美股肱義未足故續歌先君後臣眾事乃成以成其義 謹案此皋陶夏始作歌也

又歌曰元首叢脞哉股肱惰哉萬事墮哉本紀又歌上有舜字釋文墮許規反段云中論引作隳俗人所改脞徐鉉据說文脞字欲改从目段云非也孫云或借脞說文脞眇疾也廣雅釋文叢湊遽也說文奏古文作脞疑脞卽脞字

鄭曰叢脞總聚小小之事以亂大政 馬曰叢總也脞小也帝拜曰俞往欽哉

謹案帝答皋陶之拜而然其廣歌之意責難于君也

皇清經解續編卷三百三十三終

仁和邵順穎校
桐城姚永樸校

皇清經解續編卷三百二十四

南菁書院

尚書今古文集解三上

武進劉逢祿申受著

禹貢第三上

夏書

禹敷土

本紀禹命諸侯百姓具人徒以傳土索隱大戴禮作傳土周官大司樂注亦作傳段云敷古文傳今文荀子成

相篇作傳上楊倞注傳讀爲敷

鄭曰敷布也布治九州之水土 馬曰敷分也 謹案大司

樂注云禹治水傳土言其德能大中國也商頌禹敷下土方

箋云禹敷下土正四方定諸夏廣大其竟界鄭注皋陶謨云

奄大九州之土敷土既畢廣輔五服而成之鄭意總以斥大

九州疆界爲禹功非書序禹別九州之義亦不如今文命諸

侯興人徒之說爲長

隨山刊木

段云刊當作梁說見皋陶謨本紀訓爲行山表木

鄭曰必隨州中之山而登之除木爲道以望觀所當治者則規其形而度其功焉 謹案鄭訓刊爲除亦得備一義

奠高山大川

奠本紀訓爲定

馬曰定其差秩祀禮所視也 謹案呂刑曰禹平水土主名山川蓋謂導其脉絡正其主名不止秩視公侯而已

冀州

馬鄭王傳皆以既載屬上謨亞口治梁及岐爲句今不從

鄭曰兩河間曰冀州不書其界者時帝都之使若廣大然哉之言事事謂作徒役也禹知所當治水又知用徒之數則書之於策以告帝徵役而治之 謹案兩河間曰冀州者爾雅釋地文其實冀州之界南面亦距河若書之當同周官職方

稱河內曰冀州也不書其界者宋晁以道曰亦所以尊京師
示王者無外之意 正義九州之次以治爲先後水性下流
當從下泄故治水皆從下始冀州帝都故從冀起而東南次
沈而東南次青而南次徐而南次揚從揚而西次荆從荆而
北次豫從豫而西次梁從梁而北次雍雍地最高故在後也
自沈以下皆卑地之形勢從下向高從東向西青徐揚三州
並爲東偏雍高於豫豫高於青徐雍豫之水從青徐入海也
梁高於荆荆高於揚梁荆之水從揚入海也沈州在冀州東
南冀沈二州之水各自東北入海也冀水不經沈州以冀是
帝都河爲大患故先從冀起而次治沈若使冀州之水東入
沈州水無去處治之無益雖是帝都不得先也 謹案九州

之次先北而東而南而中而西者順五行相生之序也其實
施功先後當是治九河治壺口同時並舉故冀沈二州首言
之孟子述禹貢亦以疏九河爲第一義也後案以今輿地約
之山西全省河南懷慶衛輝彰德三府直隸則順天永平保
定順德宣化承德等府及眞定河間二府之西北境東北則
奉天錦州等府北則踰塞直抵陰山下西起東受降城之北
東訖於大遼水皆冀州域也

既載壺口治梁及岐

馬曰載載於書也

王孔同

鄭曰地理志壺口山在河東北

縣之東南梁山在左馮翊夏陽西北岐山在右扶風美陽西
北梁山西南於此言治梁及岐者蓋治水從下起以襄水害

易也 後案漢北屈縣隋改吉昌元改吉州隸平陽路明屬平陽府今改直隸州吉州壺口山在州西南七十里上連孟門下控龍門當路東流爲河之扼要處故禹首闢之孟門在今黑州大甯縣西南八十里吉州西六十里龍門在今河津縣西北三十里壺口山盡處西與韓城之龍門相對上口至下口約一百六十餘里水經注云龍門未闢河出孟門之上大禹疏通謂之孟門孟門卽龍門之上口實黃河之巨阨此石經始禹鑿河中激廣夾岸崇深其水崩浪萬尋渾浩巖怒迄於下口是也漢夏陽故少梁秦惠文王更名今爲陝西同州府韓城縣西北之山首枕西河北連龍門詩所謂奕奕梁山維禹甸之耆也爾雅曰梁山晉望穀梁春秋梁山崩壅河

三日不流皆謂此漢志右扶風美陽縣岐山在西北中水鄉
周大王所邑今爲岐山縣山在縣東北十里禹治壺口梁山
以開河道岐雖與河無涉但既至河西工宜並舉及岐者蓋
治汧漆岐雍州諸水以入渭也

既修太原至于岳陽

鄭曰岳陽太岳之南于地里志太原今爲郡名岳太岳在河
東故彘縣東名霍太山 正義引應劭漢志注彘縣屬王
所奔順帝改爲永安縣職方冀州鎮曰霍山卽此太岳也

後案漢晉陽縣屬太原郡爲刺史治所今爲太原縣屬太原
府太原汾水所出既修者言禹導汾水因縣之功修之也是
時帝都平陽太原據其上游縣必極意崇防然必河道既通

而汾水始有所受縣但知治太原不知道壺口功用不成故
禹必先事壺口梁山而後修縣舊蹟自太原以至岳陽也漢
魏縣在今爲霍州屬平陽府太岳在州東三十里言岳陽直
抵南河也

汾水原流
詳水經注

胡云太岳蓋唐虞夏之中岳也

謹

案史記諸書述堯舜巡守有還至嵩如初禮又釋云中岳嵩
高也是周末人說顧炎武云太原卽小雅薄伐玁狁至于太
原春秋荀吳敗狄於太原今甘肅固原州也漢太原郡始於
子產所謂臺駘宣汾洮障大澤以處太原同名而異地也

覃懷底績至于衡漳

漳漢志
作章

鄭曰覃懷爲縣名屬河內地理志漳水出上黨沾縣大要谷
東北至安平阜城入河行千六百八十里 馬曰衡水名

疏曰衡漳者漳水橫流入河漳在懷北五百餘里從軍懷致
功而北至橫漳也地理志云清漳水出上黨沾縣大要谷東
北至阜城縣入河過郡五行千六百八十里此沾縣因水爲
名志又云沾水出壺關志又云濁漳水出長子縣東至鄴縣
入清漳 後案今懷縣故城在河南懷慶府武陟縣西卽覃
懷也其地當孟津之東少北太行之正南沛水出其西淇水
出其東爲河北沃壤蓋太行乃河北之脊脊上諸州並山陰
惟太行南潁河地平衍洪水時亦受河患今日底績則孟津
洛汭之河治矣 又案水經云濁漳水出上黨長子縣西發
鳩山以下歷敘所過縣凡十八至平舒縣南東入海清漳出上黨沾縣西
北少山大要谷南過縣西又從縣南屈東過涉縣西屈從縣

南東至武安縣南入濁漳則是濁漳流遠而清漳反短矣此猶小誤若言濁漳入海則魏時水道并非東漢之漳流矣今以漢志爲主參水經以推之清漳水出沾縣今平定州樂平縣大要至鄴縣故城在今臨漳縣西合濁漳水又東過列人縣故城在今廣平府肥鄉縣北歷敘所經至阜城縣北東入於河今河間府也此疏所謂漳水橫流入河也

厥土惟白壤

馬曰壤天性和美也 傳曰無塊曰壤水去土復其性色白而壤

厥賦惟上上錯

鄭曰此州入穀不貢賦之差一井上上出九夫稅上中出八

夫稅上下出七夫稅中上出六夫稅中中出五夫稅中下出
四夫稅下上出三夫稅下中出二夫稅下下出一夫稅通率
一井稅五夫 馬曰地有上下相錯通率第一 傳曰賦謂
土地所生以供天子上上第一錯雜雜出第二等之賦 後
案夏不畫井鄭以九夫爲井 世便假借言之馬注非 謹案
夏時正月農及雪澤初服於公田蓋畫井肇於黃帝夏雖行
貢法亦兼助法故有公田公田當夏時徹田爲糧則徹亦夏
制龍子所譏貢法蓋夏季之弊政其初蓋亦以年之上下出
斂法孟子所謂其實皆什一也

厥田惟中中

鄭曰地當陰陽之中能吐萬物以土據人功作力競得而用

之則爲之田田著高下之等者當爲水害備也

馬曰同

王曰

言其土地各有肥瘠

傳曰田之高下肥瘠九州之中爲第

五後案鄭以高下言不論肥瘠以肥瘠於賦之多寡可見

也王肅務與鄭違故變言肥瘠則與賦之多寡儼互不合矣
傳疏兼之尤非也

恆衛既從

鄭曰地理志恆水出恆山衛水在靈壽

後案地理志恆水

出上曲陽西北恆山北谷東入滹水衛水出靈壽東北東入

虜池上曲陽今曲陽縣屬直隸定州其故城在縣西恆山在

西北靈壽縣今屬眞定府其故城在縣西北恆既入滹滹入

易水衛入虜池其下流滹水與之合皆在今文安縣合爲一

以入河而入海恆衛二水源流甚短大約不過在東西數十里之間蓋不施功者雖大亦略施功者雖小必紀禹貢之例如此 說文滹水起北地靈夏東入河滹水卽滹夷水并州川也 胡云滹卽職方之滹夷按滹滹同部字衛卽職方之庫池水經有自下目上互受通稱之例曾謂幽冀二大川禹曾不一及之而僅施功於恆衛小水耶又云恆衛大陸施功於九河既道之後故變例書於田賦之下

大陸既作

鄭曰大陸澤名在鉅鹿北爾雅釋地十藪晉有大陸 正義釋地大陸孫炎等皆云今鉅鹿縣北廣河澤也爾雅廣平曰陸澤形卑下得以廣平爲陸者雖卑下旁帶廣平之地故統

名焉 後案廣河呂氏春秋高注作廣阿鉅鹿戰國時屬趙
程大昌謂以邢趙深三州之地爲大陸自杜佑通典李吉甫
元和郡縣志始竊謂言邢趙者得之并深州言者失之 謹
案晉之大陸卽左氏傳魏獻子田於大陸杜注疑在汲郡吳
澤荒蕪之地淮南陸形訓亦分大陸鉅鹿爲一藪水經注合
而一之誤由鄭氏此注也

島夷皮服

釋文鳥當老反馬云鳥夷北夷國正義云孔讀鳥爲
島段曰馬鄭王孔本俱作鳥大戴記五帝本紀更本

紀漢地志皆作鳥
作鳥者衛包所改

鄭曰鳥夷東方之民搏食鳥獸者也 傳曰海曲謂之島居
島之民還服其皮明水害除 蔡氏曰海島之夷以皮服來
貢也

夾右碣石入于河

本紀河作海徐廣云海一作河

鄭曰戰國策碣石在九門縣今屬常山郡蓋別有碣石於此名同今驗九門無此山也禹山碣石山西北行盡冀州之境還從山東南行入河治水既畢更復行之觀地肥瘠定貢賦高下王曰凡每州之下說諸治水者禹功主於治事故詳記其所治之州往還所乘涉之水名傳曰碣石海畔山禹夾行此山之右而入河逆上此州帝都不說境界以餘州所至則可知先賦後田亦殊於餘州不言貢篚亦差於餘州正義地理志碣石山在右北平驪成縣西南傳於下文導河入海云入於勃海勃海北距碣石五百餘里後案驪成碣石在今永平府撫甯昌黎二縣界

濟河惟兗州

濟河當從說文漢志作洧充當作沔
隸變之誤段云古文當作沔或作商

鄭曰兗州之界在此兩水之間 王曰東南據洧西北距河

正義洧河之間相去路近沔州之竟跨洧而過東南越洧
水西北至東河也 後案洧自滎至荷此沔州西南與豫分
界處自荷至會汶則南與徐分界處自會汶後東北行則東
與青分界處河自大伾北至逆河入海此沔州之西北與冀
分界處此鄭義也疏據漢志以洧陰山陽二郡屬沔州則以
後世改流上擬禹迹非也爾雅洧河間曰沔州則殷制與禹
貢同職方河東曰沔州賈疏以爲侵禹貢青徐之地蓋言河
不言洧則越洧而東得岱矣岱南爲徐北爲青禹貢徐州曰
大野既豬而職方沔州山鎮曰岱山澤藪爲大野故知周沔

州方跨洹也又案以今輿地約之河南衛輝府東南境直隸大名府及眞定河間二府東南境山東東昌府及兗州曹州洹南青州四府之西北境皆兗州域也

九河既道

鄭曰河水自上至此流盛而地平無岸故能分爲九以殺其勢壅塞故通利之也九河之名徒駭太史馬頰覆釜胡蘇簡澠鉤盤鬲津周時齊桓公塞之同爲一河今河間弓高以東至平原鬲津往往有其遺處焉正義爾雅釋水郭璞云徒駭今在成平東光縣今有胡蘇亭漢溝洫志成帝時河隄都尉許商上書曰古記九河名有徒駭胡蘇鬲津今見在成平東光縣縣界中自鬲津北至徒駭相去三百餘里是九河所

在徒駭最北鬲津最南蓋徒駭是河之本道東出分爲八枝也春秋實乾圖云移河爲界在齊呂填闕入流以自廣尙書中候同鄭據此文言塞其東流入枝并使歸於徒駭也 後

案河渠書曰禹道河至大邳以爲河所從來者高水湍悍難以行平地數爲敗乃廝二渠以引其河北戴之高地過降水至大陸播爲九河二渠者一出貝丘一漯川也禹穿九河歷夏商周至齊桓始塞之桓卒於襄王九年至定王五年甫四十餘年而溝洫志王橫引周譜云是年河徙則知下流塞閉上流乃決實齊桓之過也漢志弓高縣屬河間國鬲縣屬平原郡班自注平當以爲鬲津又勃海郡成平縣自注云庫池河民曰徒駭河東光縣自注云有胡蘇亭今直隸河間府交

河縣東有成平故城東光縣東有東光故城阜城縣西南有弓高故城山東濟南府德州北有鬲縣故城皆漢縣也

雷夏既澤澚沮會同

澚後案史記漢書及周禮鄭注引此并作澚此與蒙縣澚水本不相涉晉人始改作

澚遂生
謬解

鄭曰雍水沮水相濁而合入此澤中地理志云雷澤在沛陰成陽後案今山東曹州府荷澤縣東北六十里有成陽故城雷夏又在其東北史記云堯作游成陽舜漁於雷澤卽此雷澤下流未知何往大約不南注沛則北注濮濮亦終歸於沛也雍沮二水漢志不載蓋沛之別流平地涌出五代後河流經此蕩然無存孫云爾雅水自河出爲澚說文河澚水在宋濮州南則宋地也

桑土既蠶是降丘宅土

風俗通引作民乃降丘度土本紀作於是民得下邱居士段云今文當作民乃

降邱度土

鄭曰其地尤宜蠶桑因以名之今濮水之上地有桑閒者此

州寡於山而夾川兩大流之間遭洪水其民尤困水害既除

於是下邱居士以其免於厄尤喜故記之

厥土黑墳厥草維繇厥木維條

繇說文引作繇大徐本作繇

馬曰墳有膏肥也繇抽也

厥田惟中下厥賦貞作十有三載乃同

釋文載馬鄭本作季本紀亦作季

鄭曰貞正也治此州正作不休十三年乃有賦與八州同言

功難也其賦下下馬曰禹治水三年八州平故堯以為功

而禪舜鯀既九年又加三年為十二年惟杭州未得盡平至

明年乃畢 後案河渠書夏書曰禹抑鴻水十三年過家不

入門謂治九州之水非指此也馬并縣之九載數之非也

厥貢漆絲厥篚織文

漆依說文當作漆經典多借漆篚依說文當作匪地理志食貨志多作棗

鄭曰貢者百功之府受而藏之其實於篚者入於女功故以

貢篚別之嗣征曰厥篚元黃昭我周王

浮于濟漂達于河

張參五經文字云漂說文作濕經與相承作漂而以濕為燥溼之溼顧氏隸辨云累即濕

之省而譌曰為田耳後案漢千乘郡有濕沃縣濕水所經故地里志譌為溼惟水經注作濕沃當從之達本紀訓為通

鄭曰地理志云濕水出東郡東武陽 傳曰順流曰浮因水

入水曰達 後案前志東郡東武陽下云禹治濕水東北至

千乘入海過郡三行千二十里續志則但云東郡東武陽濕

水出鄭與續志同也東武陽今曹州府朝城縣其故城在今

縣西過郡三三當謂東郡清河平原沛陰千乘也以今輿地

言之朝城屬曹州府莘縣堂邑聊城清平博平並屬東昌府禹城臨邑

沛陽章丘鄒平齊東並屬沛南府青城屬武定府高苑屬青州府諸州

縣界中皆古濕水所經也自宋時河決濬滑東之商胡朝城

流絕舊迹不可復見惟指唐宋以後所行之大清河為故濕

水小清河為故沛耳

海岱惟青州

鄭曰今青州界東自海西至岱東嶽曰岱山 傳曰東北據

海西南距岱 疏曰東萊東境之縣浮海入海之間青州之

境非止海畔而已漢末公孫度為遼東太守越海收東萊諸

縣置營州刺史自立為遼東侯平州牧後案據三魏時青州國志改正

當越海而有遼東也舜分青州爲營州營州卽遼東也後
案爾雅九州以青爲營者孫炎以爲殷制職方正東曰青州
鄭云青州則徐州地蓋以其山沂山其川淮泗其浸沂沐知
之周官疏云周青州於禹貢侵豫州地蓋以澤藪曰望諸知
之望諸卽豫州之孟豬也地理志琅邪長廣縣西有奚養澤
琅邪郡屬徐州按長廣故城今山東登州府萊陽縣於東漢
爲徐州賈禹貢青州職方幽州澤藪曰奚養疏謂幽侵徐賈
幽侵青也又幽州其川河洿其浸菑時亦皆侵地也蓋今青
登萊三府地在青域者周皆割入幽其西又爲沈所侵乃以
徐爲青地而又割豫之東南境以益之然徐之岱山大野皆
入沈則青亦不全得徐也鄭言其大略耳 謹案爾雅燕曰

幽州齊曰營州燕齊之界見於左氏春秋諸書者皆與職方
鄭注爾雅孫注多不合說見春秋輿地圖記 後案以今輿
地約之山東登州萊州青州等府及沛南泰安二府之北境
東北跨海爲今奉天錦州等處及朝鮮國皆青州域也

嶠夷既略

嶠夷段云今
文當作禺錢

馬曰用功少曰略 王石臚云說文略經略土地也廣雅略

治也馬注失之

濰淄其道

濰本紀作維地志或作淮濰地
志作留職方作畱其本紀作既

鄭曰濰淄兩水名地理志云濰水出琅邪箕屋山淄水出泰

山萊蕪縣原山 傳曰濰淄二水出故道疏曰地理志云濰

水出琅邪箕屋山北至都昌縣入海淄水出泰山萊蕪縣原

山東北至干乘博昌縣入海 後案箕縣故城在今山東沂州府莒州東山在州西北九十里萊蕪故城在今青州府益都縣西南近分置博山縣原山在縣東南二十五里博昌入海當從漢志作入涕博昌今爲博興縣

厥土白墳海濱廣斥 斥本紀地理志作渴徐廣云一作澤又作斥段云渴今文席占文隸變作斥河渠書

澤幽索隱曰澤一作曷本或作斥

鄭曰斥謂地鹹鹵

厥山惟上下厥賦中上

傳曰田第三賦第四

厥貢鹽稀海物惟錯

鄭曰海物海魚也魚種類尤雜 傳曰稀細鳥錯雜非一種

岱畎絲枲鉛松怪石

段云畎小篆文也古文當作（籀文當作剛）

傳曰畎谷也怪異好石似王者岱山之谷出此五物皆供之

萊夷作牧

傳萊夷地名可以放牧

厥篚絜絲

樂本紀地志作禽

傳曰絜柔蠶絲中琴瑟弦

浮于汶達于濟

鄭曰地理志汶水出泰山萊蕪縣原山西南入洸後案元

引汶絕洸爲會通河明永樂中又築戴邨壩遏汶盡出南旺

資運而水經安山出洸故道久廢孫云今東平州安山鎮

古汶達洸之道

海岱及淮惟徐州

鄭曰徐界又南至淮水 傳曰東至海北至岱南及淮 後
案徐之西境至大野東原而止大約在今東平州及汶上鉅
野等縣境與沭分界 又案爾雅涉東曰徐州郭注自涉東
至海似爲禹貢徐州舊域然堯時揚州跨江北至淮而爾雅
江南曰揚州又不置青州蓋商割淮南江北地屬青揚者以
益徐視堯時之徐則大矣職方正東曰青州其山川皆禹貢
徐州域蓋以徐爲青地大半入幽而徐之西則又入於沆也
又案以今輿地約之江南徐州府泗州海州及鳳陽淮安
二府北境山東兗州沂州二府濟甯州泰安府南境曹州府
東南境皆徐州域也

推沂其父

久本紀訓爲怡
段云今文作艾

鄭曰淮沂二水名地理志沂水出今泰山蓋縣

淮詳
導淮

正義

地里志沂水出泰山蓋縣臨樂山南至下邳入泗過郡五行
六百里 後案職方沂山注云沂水所出在蓋疑沂山卽班
志臨樂山水經則云艾山今沂山在沂水縣北一百十里接
臨朐縣界隋唐後祀爲東鎮寰宇記云東泰山無沂源臨樂
山卽艾山一名雕崖山在縣西北一百七十里蒙陰縣東北
一百三十里今沂水出此山水經又云南過下邳縣西南入
於泗今邳州東三十里有下邳故城沂河舊在州西一里水
自邳城入邳河 孫云過郡五五當爲四泰山城陽琅邪東
海也

蒙羽其藝

鄭曰蒙羽二山名 傳曰二山已可種藝 疏曰地理志蒙山在泰山蒙陰縣西南羽山在東海祝其縣南 後案蒙陰故城在今縣南屬沂州府山在縣南四十里西南接費縣界羽山見堯典

大野既豬

野地理志作埜段云古文豬今文作都俗作豬

鄭曰大野在山陽鉅野北名鉅野澤 馬曰水所停止深者曰豬 後案漢志云沈州藪據職方而言周無徐州夏徐州西北境皆入沈州也左氏哀十四年西狩於大野卽此今屬曹州府何承天云鉅野湖澤廣大南通洙泗北連青兗沛之所鍾是澤爲大葢自漢元光迄元至正凡河決皆入之及河

益南徙乃爲溢決所不及又是澤本汶所鍾明永樂九年
開會通河過汶沛入運澤固無存

東原底平

鄭曰東原地名今東平郡卽東原 後案漢東平郡本侯國
景帝亦名沛東國故城在今東平州東州及泰安縣西南境
皆古東原地在岱之西南沛之東汶之北

厭土赤埴墳

釋文埴市力反鄭作厭徐云鄭王皆讀曰熾韋昭音試正義熾埴音義同段云御覽引亦作熾本紀

地理志作埴埴今文今孔本用古文當亦作熾而以今文釋之鄭王則否韋昭所据漢書亦作熾漢書多古字也

鄭曰熾讀曰熾熾赤也 傳曰土黏曰埴

草木漸包

說文引書曰草木漸包後案馬本同段云玉篇廣韻同古文也紀志作漸今文也衛包改包爲包非也

馬曰包相包裹也 傳曰漸進長包叢生

厥田爲上中厥賦中中

傳曰田第二賦第五

厥貢惟土五色

鄭曰土五色者所以爲大社之封。王曰王者取五色土爲

大社封四方諸侯各割其方色王者覆四方也。孫云史記

正義引太康地記云城陽姑幕有五色土姑幕今山東莒州

羽畎夏翟

段云畎見僭畎下翟周官染人注漢志皆作狄古假借字

鄭曰羽山之谷貢夏翟之羽。傳曰夏翟翟雉名羽中旌旄

羽山之谷有之

嶧陽孤桐

鄭曰地理志嶧山在下邳今下邳西葛嶧山也。傳曰孤特

也嶧山之陽特生桐中琴瑟 後案山在今江南徐州府邳
州西北六里 孫云括地志嶧山在兗州鄒縣南二十二里
此非邳州之葛嶧山也

泗濱浮磬

嶧地志作瀨說
文類之變體

鄭曰泗水出沛陰乘氏 傳曰泗水厓水中見石可以爲磬
正義地里志泗水出沛陰乘氏縣東南至臨淮雖陵縣入
淮過郡六行千一百一十里 後案自卞縣至方與泗也自
乘氏至方與沛也而漢志目以泗者方與至胡陵荷沛泗三
水合流不過幾十里湖陵以南自是泗之正流而沛荷反假
泗以入淮矣此沛是支流故以泗目之 孫云乘氏今山東
鉅野縣地泗水至此分爲二一入荷水一入淮其源實出泗

縣泉林鄭據分流處言之也

淮夷蠙珠暨魚

說文玼珠也宋宏云淮水中出玼珠玼珠之有聲者蠙夏書玼字段云玼今文璠古文珠之有

聲脫蚌字暨當從本紀漢志作泉

鄭曰蠙珠珠名淮水之上夷民獻此蠙珠與美魚也 馬曰

淮夷二水名

王及傳同

後案馬王傳非也

厥篚元纁縞

鄭曰纁細也祭服之材尚細 傳曰元黑縞縞白縞纁細也

纁在中明二物皆當細

浮于淮泗達于河

釋文何如字說文作荷云水出山陽湖陵南从水荷聲水經注同

後案此節鄭馬王注俱亡又無傳無疏史記漢書傳寫之誤

并與今本同率說文有一條釋文得引為證說文所據當是

孔氏古文致爲的確漢湖陵在今魚臺縣之東南沛水在縣南禹行巡州境南浮淮北浮泗又北達荷則徧荷本澤名酈氏謂卽沛水之所豬以成湖澤者也在今曹州府定陶縣東北爲豫之東北徐之西北境導沅水之東至於荷是主澤言卽豫州之茫澤也此達於荷則是自乘氏以至湖陵乃荷澤之枝流說文名曰荷澤水者也 又案水經敘泗水原委甚詳泗水從淮陰入淮卽禹浮淮達泗之道荷水從湖陵入泗卽禹浮泗達荷之道也荷卽沛也達於荷達於沛矣

胡氏謂禹貢錐指曰金氏履祥通鑑前編曰荷澤與沛水相通而泗水上可以通荷下可以通淮徐州浮淮達泗自泗達荷也青州書達于沛則達荷可知故徐州書達于荷則達沛

可知謂按沛水豬爲荷澤此經衆青之文曰達于荷則由沛入澤可知矣沈青徐揚四州之貢道前後相承不復不亂汶與沛連故青曰浮于汶達于沛徐揚道由淮泗從泗入沛必由荷澤故書曰達于荷澤若作河則複而無理河濕青且不言矣而徐復云達于河陵亂失次禹貢爲此書法而人猶以作河爲是者總由不知荷澤之原委耳

淮海惟揚州

段云揚當作揚

鄭曰揚州界自淮而南至海以東也 傳曰北據淮南距海後案杜佑通典云揚州東南距海自晉以後皆以五嶺之南至於海爲揚州域然荊州南境至衡陽則嶺南宜屬荆益交廣但爲聲教所暨在九州之外故鄭但言海以東不言南

也七閩職方已有於禹貢揚州則不可知 又案殷割淮南江北地益徐故爾雅云江南曰揚州視夏之揚州爲小然其西又得夏荊州地爾雅漢南曰荊州蓋大別以西漢水之南也曰江南者大別以東江水之南也荆揚於此分界則殷揚州境縮於北而贏於西與夏之廣狹適相當矣職方揚州蘄澤川浸與禹貢同以今輿地約之江南江淮蘇松安徽三布政司所轄及江西浙江西則河南之汝甯湖北之黃州等府皆揚州域也

彭蠡既豬 段云蠡當作豨

鄭曰地理志彭蠡澤在豫章彭澤縣西南方謂都爲豬 後宋漢彭澤縣今江西九江府之湖口彭澤南康府之都昌三

縣地澤周四百五十里浸南昌饒州南康九江四府境亦曰

鄱陽湖以中有鄱陽山名是湖受江南徽州及江西各府之

水其下流北過星子都昌

並屬南康府

德化及湖口

並屬九江府

入江

彭蠡所豬有九水劉歆云湖漢等九水入彭蠡是

陽鳥攸居

攸本紀訓所漢書作適後同

鄭曰陽鳥謂鴻雁之屬隨陽氣南北

三江既入

孔合下句爲一節

鄭曰左合漢爲北江會彭蠡爲南江岷江居其中則爲中江

故書稱東爲中江者明岷江至彭蠡與南北合始得稱中也

初學記地部引作孔安國鄭元注阮氏伯元曰非鄭注也今孔傳正義亦無說具浙江圖攷

三江分於彭

蠡爲三孔東入海

正義漢志會稽吳縣下云南江在南東

入海丹陽蕪湖縣下云中江出西南東至陽羨入海 胡渭
云漢志分江水首受江至餘姚入海卽南江之原委過郡二
謂丹陽會稽也其在吳縣南者卽吳松江乃中江之下流志
誤以爲南江耳郭璞曰三江者岷江松江浙江也然浙江出
南蠻中不與岷江同原蓋今南江枝分歷烏程縣南通餘姚
縣與浙江合故關駟十三州志曰江水至會稽與浙江合也
渭按河渠書於吳則通渠三江五湖是通湖於江卽闔閭所
開之胥溪石城分江水亦是此類古時大江與震澤元不相
通也

震澤底定

夏本紀索隱云震本作振底本紀訓致

傳曰震澤吳南太湖名 正義地理志云會稽吳縣故周太

伯所封國具區在西古文以爲震澤是吳南太湖名蓋縣治

居澤東北

篠簜旣敷

篠說文引作篠簜釋文或作簜本紀篠簜作竹箭敷作布

鄭曰篠箭簜大竹也

厥草惟夭厥木惟喬

馬曰夭長也 傳曰喬高也

厥土惟塗泥

釋文塗本作涂

馬曰塗泥漸洳也

厥田惟下下厥賦下上上錯

傳曰田第九賦第七雜出第六

厥貢惟金三品

鄭曰三品銅三色也 王曰三品金銀銅也孫云禹貢鏐鐵

錫鉛銀各表其名而不言銅故知鄭義爲的

瑤琨篠簜

釋文琨音昆馬本作慣

王曰瑤琨美石次玉者也 傳曰瑤琨美玉

齒革羽毛惟木

段云毛當作旄此字及傳毛字皆衛包所改木紀漢志皆無惟木二字今文也

專曰齒象牙革犀皮羽鳥羽毛鹿牛尾木梗梓豫章

島夷卉服

段云島本亦當作鳥後漢書度尙傳注鳥語謂語音似鳥也書曰鳥夷卉服漢志亦不談

鄭曰此州下澤故衣卉服貢其服者以給天子之官

厥篚織貝

鄭曰貝錦名詩云萋兮斐兮成是貝錦凡爲織者先染其絲

乃織之則文成矣禮記曰士不衣織 傳曰織細紵貝木物

厥包橘柚

段云包當作苞柚
山海經列子作櫛

傳曰小曰橘大曰柚其所包裹而致者

錫貢

鄭曰有錫則貢之或時乏則不貢錫所以柔金也 王曰橘
與柚錫其命而後貢之不常入當繼荊州之無也 後按職
方揚州產錫攷工記攻金之工執金錫之齊是錫以柔金也
豫州錫貢自錫命乃貢同文不嫌王肅鑒空殊甚

沿于江海達于淮泗

釋文沿鄭本作松松當爲沿馬本作均均
平也段云本紀地志皆作均今文也均沿

一音之轉馬訓平非也鄭本
作松蓋壁中文形相近而誤

鄭曰松讀曰沿沿順水行也 傳曰順流而下曰沿沿江入

海自海入淮自淮入泗 後按禹必沿江入海自海入淮者

爲欲徧巡州境非爲邗溝未開江淮未通之故然通江淮之迹亦不可不攷左氏哀元年吳城邗溝通江淮杜注於邗江築城穿溝東北通射陽湖西北至東口入淮通糧道也哀十三年吳會首于黃池國語云掘爲深溝於商魯之間北屬之沂西屬之沛然其水蓋未能深廣故哀十年公會吳伐齊徐承率舟師將自海入齊齊敗之而還黃池之役於越入吳國語云越王命范蠡帥師沿海沂淮以絕吳路蓋邗溝以北至沂沛水道猶淺狹故必沿海也至隋開皇七年將伐陳韓擒虎於揚州開山陽瀆以通漕運大業初大發淮南兵夫十餘萬開邗溝自山陽至揚子江三百餘里闊四十步可通龍舟而後淮始達江也以上所敘通江淮始末乃自周季迄隋代

事近儒閣若璩胡渭爲詳著之而此道之非禹跡乃明

荆及衡陽惟荊州

鄭曰荊州界自荆山南至衡山南 後案地理志禹貢南條
荆山在南郡臨沮縣東北衡山在長沙國湘南縣東南今湖
北襄陽府南漳縣有荆山本漢臨沮地湖南衡州府衡山縣
有衡山本漢湘南地 又案殷有荆無梁爾雅漢南曰荊州
郭注漢水出嶓冢梁州山也自嶓冢東至大別凡在漢之南
者皆爲荊州按李巡言殷時雍兼梁地郭氏此說則荆亦兼
梁不盡歸雍自大別以東江南之地爲揚所侵大別以西漢
東之地亦皆入豫荊州之境縮於東北而屬於西南也職方
正南曰荊州其山水皆合禹貢惟潁湛則斗入豫域七八百

里故鄭注闕疑周承殷制亦有荆無梁賈公彥言雍豫并兼
梁地顏師古言周并梁合雍而皆不及荆殆未察漢南曰荆
之意蓋荆豫以漢水爲界梁州漢北之地豫兼之漢南之地
荆兼之其蟠冢以西則雍兼之故無梁也 又按以今輿地
約之湖北武昌漢陽安陸黃州德安荊州宜昌施南等府及
襄陽之南境湖南全省及四川敘州重慶夔州等府之江南
地廣西桂林貴州遵義等府皆荊州域也

江漢朝宗于海

鄭曰江水漢水其流適疾又合爲一共赴海也猶諸侯之同
心尊天子而朝事之荆楚之域國有道則後服無道則先疆
故紀其水之義以著人臣之禮 段氏云文潯水朝宗於

海也从水朝省聲淖者今之潮字此今文說也泝水之時江漢不順軌至禹治之江漢始與海通波於揚州曰三江既入北江者漢也既入者入於海也於荊州曰江漢朝宗于海言海淖上達直至荊州也今海淖上至安慶而止海潮上迎江漢之水下赴朝夕往來如君臣一德一心呼吸相通與前此壅闕者異矣二州之文相與表裏謹案段說本論衡書虛篇易習坎有孚虞翻注云水行往來朝宗於海不失其時如月行天亦今文說也

九江孔殷孔殷本紀訓爲甚中

鄭曰殷猶多也九江從山谿所出其孔眾多言治之難也地理志九江在今廬江尋陽縣南皆東合爲大江後按釋文

曰九江尋陽地記云一烏白二蚌三烏四嘉靡五畎六源七
廩八提九箇索隱引張須元緣江圖說略同又云參差隨水
長短或百里或五十里始於鄂陵終於江口會於桑落洲按
楚考烈王徙都壽春秦滅之以其都置九江郡高帝更爲淮
南國尋陽縣屬焉文帝析爲廬江郡尋陽改屬廬江武帝又
復淮南國爲九江郡尋陽屬廬江如故故班志於尋陽曰禹
貢九江在南漢尋陽在江北東晉移於江南今九江府德化
縣西十五里是非漢尋陽也今桑落洲在九江府城東北五
十里江中鄂陵今黃州府武昌縣寰宇記云畎江五阜洲在
黃梅縣南一百十里是尋九江遺迹唐宋猶存也又衆釋文
引地記曰九江劉歆以爲湖漢九水入彭蠡澤也湖漢豫章

源異流同地志諸書每互稱彭水卽豫章上源亦非有二水是前志所載豫章湖漢與鄱餘修旰蜀南廬爲九水也水經則總稱贛水以今輿地言之贛水自郴州經南安贛州吉安臨江南昌五府入彭蠡也與大江經流無涉故通典以湖漢水隸揚州非荊州也 蔡氏曰胡氏曾氏以爲九江卽今之洞庭也水經言九江在長沙下雋西北楚地記曰巴陵瀟湘之淵在九江之間今岳州巴陵縣卽導江之東陵楚之巴陵漢之下雋也洞庭正在其西北則洞庭之爲九江審矣今沅水漸水元水辰水敘水酉水澧水資水湘水皆合於洞庭以是名九江也 謹案漢尋陽乃禹貢揚州之境正義亦以九江之名起於後代未足據也 謹案山海經洞庭山帝之二

女居之在九江間水經注引同朱子據以辨史記漢志尋陽九江

之誤劉歆以彭蠡當洞庭亦誤

沱潛既道

潛本紀作潒地志作潒段云古通用

鄭曰爾雅釋水云水自江出爲沱漢別爲潛今南郡枝江縣有沱水其尾入江耳首不出於江也華容有夏水首出江尾入沱蓋此所謂沱也潛則未聞象類馬曰沱湖也其中泉出而不流者謂之潛後案地志水經皆以枝江爲沱而鄭不取乃以夏水當之者寰宇記云江自枝江縣百里洲首派別南爲外江北爲內江考南江自枝江縣南歷潒水體水入赤沙湖又入洞庭與北江會北江至枝江縣北歷南監利縣南夏水出焉又東至巴陵縣西北會洞庭北江爲大江之經

流而夏水出焉自爲一派以入於漢與爾雅合故以夏水爲沱也馬以沱爲湖非是

雲土夢作义

釋文雲徐本作云段云古文作雲夢土孔傳本同今文作雲土夢見史記索隱單行本晁公武石經

考異序沈括夢溪筆談李吉甫元和郡縣志

傳曰雲夢之澤在江南其中有平土正水去可爲東作賦

之治

後按左氏定四年楚子涉睢

與沮同

濟江入於雲中奔

邠邠今德安府治安陸縣則雲在江北昭三年鄭伯如楚王以田江南之夢則夢在南江孔以爲一澤專在江南非也以今輿地言之江北之荊門京山河陽監利安陸漢陽黃岡麻城蘄州古雲所在江南之枝江石首巴陵古夢所在也段云必加土於作义之上者大壑大陸孟諸震澤雲夢爾雅十

蔽之五藪澤者地兼水土云震澤底定大壑既豬導荷澤被
孟豬皆自水言水治而土治在其中矣云大陸既作雲夢土
作父皆自土言土治而水治在其中矣大陸不言土雲夢言
土者亦詳略互見僞孔多襲馬鄭王之舊此雲土夢作父必
馬鄭王本固然又云索隱大書雲土夢三字小注雲土夢二
澤名引韋昭漢書音義云雲土今爲縣屬江夏地理志江夏
有雲杜縣是其地也古土杜通用如韓詩桑杜毛作桑土毛
詩自土齊作自杜楚語雲連徒洲卽雲土也雲土長言之爲
雲連徒洲猶穀於菟之類皆方言也史漢多用伏生今文今
文與楚語合然亦不訓作雲僅土見而夢可耕治也 謹按
段氏分疏今古文本皆得其本訓殊於郢書燕說者

厥土惟塗泥厥田惟下中厥賦上下

傳曰田第八賦第三人功修

厥貢羽毛齒革惟金三品段云毛當從本紀作施

傳曰土所出與揚州同

柝榦栝柏柝說文重文作橫攷工記鄭注引同栝說文作栝櫟也一曰矢樞櫟弦處也傳訓同櫟聲相同假借也

鄭曰柝榦栝柏四木名 馬曰栝白栝也 傳曰榦栝也柏

葉松身曰栝

礪砥礪丹段云礪當作厲

鄭曰礪磨刀刃石也精者曰砥 王曰丹可以為采 傳曰

礪石中矢族

惟箇簠簠三邦底貢厥名段云簠壁中古文小篆作簠簠許鄭用古文尚書作枯箇簠枯本紀徐注

一作箭足杆今文也正義鄭以厥名下屬色屬菁茅謹案馬屬上讀與史記合

鄭曰籥簫聆風也梧木類周之始肅慎氏貢梧矢石弩此州中生聆風與梧者歟多三國致之 馬曰梧木名可以爲箭言籥簫梧三國所致貢其名善也 傳曰籥簫美竹梧中矢除三物皆出夢之澤近澤三國常致貢之

包匭菁茅

段云包作苞江云鄭讀匭爲糾匭从九得聲與糾音近

鄭曰匭猶纏結也菁茅茅之有毛刺者給宗廟縮酒重之故既包裹而又纏結也 王曰包揚州厥包橘柚從省而可知也 傳曰包橘柚匭匭也菁以爲菹茅以縮酒 後案左氏齊桓責楚包茅不入管子輕重篇稱江淮之間一茅三脊名曰菁茆王及僞孔以包爲橘柚孔又以菁茅爲二物皆非也

厥篚元纁璣組

孫云璣讀爲車不璣幾之幾

馬曰組文也

傳曰此州染元纁色善故貢之璣珠類生於

水組綬類

謹按段氏以馬注文字下恐有脫字今謂元以

爲衣纁以爲裳馬注當云璣組文也脫璣字耳璣組者組爲璣文以爲純緣冠弁之飾也猶織貝之爲錦文也與元纁爲類故皆實於篚若徐州蚘珠雍州琅玕皆不入篚必別有纁縻之物也

九江納錫大龜

納當爲內錫本紀訓爲賜

馬曰納入也

傳曰尺二寸曰大龜出九江水中龜不常用

錫命而納之

段云錫賜古皆上下通稱非錫命也

浮于江沱潛漢

潛漢本紀作沔于漢釋文本或作潛于漢非正義本或潛下有于誤耳段云今文本當有于字

與無逸無文淫于觀于逸于游
于田句法同陸孔誤絕其句耳

逾于洛至于南河

洛本紀作雒下并同隸釋石經多士殘碑兩言雒字天官序官注引召誥亦作雒是古文

今文本同作雒也段云此豫州之川尙書及周官職方蔡雒皆當從此黃初以下始改從洛洛說文水出北地歸德北夷界中東南入渭漢志同詩瞻彼洛矣職方雒州其浸渭洛從此謹案禹貢雒州之洛亦名漆沮古文尙書豫州之洛不必從佳也

傳曰逾越也河在冀州南東流故越洛而至南河 後案浮

江沱潛漢荊州境巡行已遍洛與南河則豫州地逾洛至南

河者將治豫也 謹案每州末記水道鄭以爲禹巡行州境

孔以爲還都白帝後儒以爲志貢賦之道鄭義爲正貢道亦

得兼義孔說非也

荊河惟豫州

鄭曰豫州界自荆山而北至于河 傳曰西南至荆山北距
河水 後案爾雅河南曰豫州漢南曰荊州孫炎以爲殷制
荊豫二州禹以荆山爲界殷以漢水爲界河南漢北則殷豫
州也殷無梁州蓋豫亦兼梁地職方河南曰豫州山川澤藪
與禹貢同惟其浸波澁可疑鄭注云波讀爲播禹貢曰滎播
既都春秋左氏曰楚子除道梁澁營軍臨隨則澁宜屬荊州
在此非也按波卽滎播說詳下文水經敘澁水合潁入沔則
澁在漢北鄭云宜在荊者蓋周時豫州不全得漢北地割以
屬荊故於豫州曰河南與爾雅同而於荊州曰正南不曰漢
南明兼有漢北與殷制異也又按周亦無梁州豫亦兼有其
地當在華山之陽嶓冢之東也 又按以今輿地約之河南

之河南開封陳州歸德南陽汝甯六府許陝汝光四州及直隸大名府江南潁州府之西境湖廣襄陽府德安府之北境
鄆陽府之東境皆豫州域也

伊洛瀍澗既入于河

漢江氏叔濤曰此字說文所無淮南本經訓作廛段云衛包所改

正義地里志伊水出宏農盧氏縣東熊耳山東北入洛洛水出宏農上洛縣冢嶺山東北至鞏縣入河瀍水出河南穀成縣贊亭北東南入洛澗水出宏農新安縣東南入洛 後案漢上洛縣卽今陝西商州治盧氏縣今屬河南陝州新安縣今屬河南府穀城故縣在今洛陽縣西北 又案漢志伊水過郡一行四百五十里以今輿地言之盧氏嵩縣伊陽洛陽界中皆伊水所經也洛水過郡二行千七十里以今輿地言

之商州盧氏永甯伊宜陽洛陽偃師鞏縣界中皆洛水所經也
灋水澗水見洛誥我乃卜澗水東灋水西惟洛食謂王城也
我又卜灋水東亦惟洛食謂下都也周東都王城漢爲河南
郡之河南縣其故城在今河南府洛陽縣西北春秋謂之王
城下都漢爲洛陽縣河南郡治其故城在今洛陽縣東北
周時又稱成周敬王自王城徙都此東漢都此爲河南尹治
魏晉及元魏亦都之二城東西相去四十里而今洛陽縣居
其中古時澗水經河南故城西而南入洛灋水經河南故城
東而南入洛故澗東灋西爲王城而灋水東爲下都洛誥之
文猶禹跡也

榮波旣豬

本紀作榮播旣都書正義馬鄭王皆作榮播段云榮作榮者衛包所改播作波者東晉古文用周官波滄

改之江叔樵云當從說文作潘段又云鄭注周官榮
雉波棧爲四水注書榮波則一之緒古文都今文也

鄭曰沈水溢出河爲澤也今塞爲平地榮陽民猶謂其處爲
榮播在其縣東春秋魯閔公二年衛侯及狄人戰于榮澤此
其地也 馬曰榮播澤名 傳曰榮澤波水已成過豬 後
案地理志沈水出河東垣縣王屋山東南至武德入河軼出
榮陽北地中卽榮播也漢有榮陽縣無榮澤縣隋始分置漢
榮陽故城在今榮陽縣西南澤在城北歷城東故班云出縣
北鄭云在縣東也隋榮澤故城在今榮澤縣北五里澤在城
南此經榮播之澤本在河南閔二年衛狄戰處在河北當別
是一榮澤杜預謂榮澤跨河南北亦非惟宣十二年楚潘黨
逐晉魏錡及榮澤則在河南卽經之榮播也

導荷澤被孟豬

本紀作導荷澤被明都段云導衛包所改下導

孟諸明都今文石經亦作孟諸詩陳譜作明豬
地志作盟豬古音同釋文荷徐音柯韋胡阿反

傳曰荷澤在胡陵孟豬澤名在荷東北水流溢覆被之 後

案荷澤當依地志在沛陰定陶縣東孟豬在梁國睢陽縣東

北荷澤之西南傳疏誤也定陶今屬山東曹州府漢故城在

今縣西北四里睢陽今為商邱縣河南歸德府治其故城在

今治南二里通典宋州虞城縣有孟豬澤元和志云
諸澤在虞城縣西北十里周回五十里

此一節紀禹治陶邱復出之沛也荷澤在定陶之東孟豬在

睢陽之東北相距僅一百四十里二澤本有相通之道禹因

而疏之以殺沛瀆之勢水經注引晉閻騮十三州記曰不言

入而言被者明不常入也水盛方乃覆被矣是也若胡陵但

有河水非澤所鍾其故城在今魚臺縣東南六十里沛縣西北五十里交境處上距定陶之菏澤幾三百里距睢陽之孟豬幾五百里矣安云胡陵反在睢陽西北而其水得東出以被孟豬哉蓋在定陶者其澤也在胡陵者其流也其流東合泗以注惟與孟豬全無關涉

說詳徐州

又案望諸周青州澤藪此

屬豫者周無徐徐并於青青在豫東故得兼有孟諸爾雅左氏春秋皆屬宋白漢梁孝王築東苑方三百里孟豬包在其中元至元後歸德府城南北屢被黃河衝決澤更不可問矣

厥土惟壤下土墳墟

鄭曰墟疏也 馬曰豫州地有三等下者墳墟也豫州地青厥田惟中上厥賦錯上中

傳曰田第四賦第二又雜出弟一

厥貢漆枲絺紵厥篚織絺泉本紀作絺段云絺今文二字同音縠本紀訓絮

傳曰縠細綿

錫貢磬錯

傳曰治玉石曰錯治磬錯也 孫云郊特牲曰擊玉磬諸侯

之僭禮也詩那箋云玉磬尊故異言之則治磬之石必待錫

命而貢示諸侯不敢有治玉磬之器也

浮于洛達于河洛本紀作雅說見上

華陽黑水惟梁州華說文作壽

鄭曰梁州界自華山之南至於黑水也 傳曰東據華山之

南西距黑水 疏曰周禮職方氏豫州其山鎮曰華山在豫

州界內此梁州之境東據華山之南不得其山故言陽此山之西雍州境也 後案黑水在西徼外故梁雍皆以是爲西界但梁在華陽雍在華陰故雍但以爲西界梁則兼以爲西南界地志京兆華陰縣南有太華山在今縣南八里黑水經几三見今無考 又案殷周皆無梁州通典云梁當殷爲蠻夷州遂廢賈公彥曰雍豫皆兼梁地江漢發源梁州而職方爲荊州川則荆亦兼梁地然三州雖兼梁地而禹貢梁州山川無一入職方者大約羈縻不絕非九州內地比也 又案以今輿地約之陝西漢中府之南境及興安州商州甘肅鞏昌府之南境及階州秦州湖北之鄭陽府四川全省內敘州重慶夔州等府江南及雲南貴州北境皆梁州域也

境宜屬荆

及雲南貴州北境皆梁州域也

岷嶓既藝

本紀作汶嶓既藝段云岷俗字古文作嶓今文作汶漢時或作文悲回風王逸注引書岷山道江岐一作

岷一作汶地志作嶓嶓說文無或作番或作壻山海經漢水出岷岷藝當依夏本紀漢志作藝

鄭曰地里志岷山在蜀郡蒯氏道西徼外嶓冢山在漢陽西

後案漢蒯氏道唐爲松州嘉誠縣廣德初陷吐番宋亦仍

爲吐蕃地今爲龍安府松潘廳在府西三百里成都府西北

七百六十里岷山又在廳西北二百二十里山有大分水嶺

卽古羊膊嶺江源所出漢志隴西郡西縣禹貢嶓冢山西漢

所出入廣漢白水東南至江州入江續志西縣改屬漢陽郡

但漢有東西源下道水厯敘東漢源流絕與西漢無涉而首

言嶓冢道漾東流爲漢似東漢亦出嶓冢然漢志於氏道於

武都於沮縣於沔陽縣應注四條皆言東漢而皆不言有嶓

家續志亦惟於西縣言有嵎冢山西漢水他縣皆不言至後魏於漢沔陽縣地置縣名嵎冢唐李吉甫杜佑則於上邦縣金牛縣分列兩嵎冢然則漢有二嵎冢亦有二東西分出意東漢上源從氏道來逐路納眾流以成川非始出沔陽之嵎冢故班志鄭注皆不著此山若西縣山實西漢源故專舉之與至道水以西縣之嵎冢爲東漢源者蓋東漢自西而東流西漢則自北而東南流東漢自氏道而武都而沮縣而沔陽自是而東直至江夏沙羨方入江流甚長西漢自西縣而廣漢而江州卽入江流頗短二水源流各不相涉但西漢流至通谷與東漢會而西漢至葭萌縣又有一水從沔陽東漢分支從漢壽西南流來穿石穴出至此又與西漢合故鄭於下

節注以此二水皆爲潛論水則西漢是別東漢是主故經詳言東漢卽以蟠冢冠之因下流潛源以目漢源也論山則西縣之蟠冢實西漢源故班志鄭注皆專舉是山爲水源也漢武都縣在今成縣西沮縣今略陽縣沔陽縣今沔縣沙羨縣今漢陽縣西縣今西和縣廣漢郡卽今重慶府通谷卽唐金牛縣今甯羌州地葭萌今甯羌州及廣元昭化二縣地江州今重慶府治巴縣也 又案括地志岷山在溢樂縣南連縣至蜀幾二千里皆名岷山

沱潛既道

潛本紀作沱段云地理志作沱安陽縣下作鵲谷水今文通用

鄭曰二水亦謂自江漢出者地理志在今蜀郡郫縣汶江及漢中安陽皆有沱水潛水其尾入江漢耳首不於此出江原

有鄴江首出江南至雋爲武陽又入江豈沱之類與潛蓋漢
西出岷冢東南至巴郡江州入江行二千七百六十里漢別
爲潛其穴本小水積成澤流與漢合大禹自廣漢疏通卽爲
西漢水也故曰沱潛旣道 傳曰沱潛發源此州入荊州

後案爾雅江出爲沱地志蜀郡江原縣諱水首受江南至武
陽入江元和志劔南道蜀州唐興縣本漢江原縣地鄴江一
名與江經縣東二里在今崇慶州曰首受江正與江出爲沱
合故鄭獨取此爲沱之類也爾雅漢出爲潛馬融云其中泉
出而不流者曰潛是潛與沱不同沱分派別行者也潛伏流
重出者也鄭據前志隴西郡西縣禹貢岷冢山西漢所出南
入廣漢白水東南至江州入江過郡四

隴西武都
廣漢巴郡行二千七

百六十里目爲潛但志以爲西漢水不名潛而鄭目爲潛者

西縣嶧冢所出雖是西漢鄭因東漢有別出而伏流之潛從

廣漢葭萌入西漢以達於江故連西漢始源亦目爲潛也荆

州疏引郭璞爾雅音義云有水從漢中沔陽縣

此卽東漢今漢中府沔縣

東南有沔陽故城

南流至梓潼漢壽八大穴中通峒山下西南潛出

一名沔水舊俗云卽禹貢潛也

郭與鄭合疏以爲與鄭異者非也漢壽卽漢廣漢郡葭萌

縣故城在今保寧府昭化縣東南大

約此水伏流山下亦不過二十餘里

蓋西縣嶧冢所出本是

後世但稱西漢唐又稱嘉

陵江潛之名遂晦

故鄭又云漢別爲潛其穴本小水積成澤流與漢

合大禹自廣漢疏通卽爲西漢水也廣漢卽指葭萌鄭舉郡

言耳水經注桓水條又云葭萌西漢卽鄭康成之所謂潛水

者也鄭注殘缺采輯乃有端緒參互觀之則沱爲江原之鄩水潛爲西漢合葭萌之伏流可知矣

蔡蒙旅平

釋文旅如字韋音慮

鄭曰地理志蔡蒙在漢嘉縣 傳曰蔡蒙二山名祭山曰旅

平言治功畢 後案前志蜀郡青衣縣禹貢蒙山谿大渡水

卽沐水也東南至南安入泚泚當泚續志云漢嘉縣故青衣陽嘉二

年改名漢嘉有蒙山蓋蔡蒙本一山傳云二山非也今雅州

府治雅安縣北有青衣廢縣蒙山在縣南是山盤跨邛州卽

雅州府之雅安蘆山名山四州縣境也

和夷底績

釋文和又作穌後案鄭讀和曰恒一聲之轉

鄭曰和夷和上夷所居之地也和讀曰恒地志曰恒水出蜀

郡蜀山西南行羌中者也 馬曰和夷地名 後案地志於

蜀山繫郡下不繫縣下蓋徼外山也元和志茂州通化縣本
漢廣柔縣地蜀山在縣東北八里漢廣柔故城在今威州西
蜀山在此爲桓水所自出則與湔氏道徼外江水所出之岷
山相連鄭注云岷山西傾俱有桓水岷山桓水卽蜀山桓水
也又謂因桓之桓乃西傾桓水則非也

厥土青黎

本紀黎作黎

馬曰黎小疏也 段云黎之言離也

厥田惟下上厥賦下中三錯

鄭曰三錯者此州之地有當出下之賦者少耳又有當出下
上中下者差復益多

厥貢璆鐵銀鏤砮磬熊羆狐狸

段云璆本紀及馬本傳本同鄭本作璆韋昭漢書注同謹案鄭

以織皮屬下西傾讀傳以屬上狐狸讀今從鄭

鄭曰黃金之美者謂之鏤鏤剛鐵可以刻鏤也 傳曰璆玉

名鏤剛鐵貢四獸之皮

織皮西傾因桓是來

頃漢志作頃來漢志作徕

鄭曰織皮謂西戎之國西傾雍州之山也地理志西傾山在

隴西臨洮雍戎二野之間人有事於京師者道當出此州而

來桓是隴阪名其道盤桓旋曲而上故名桓是今其下民謂

阪爲是曲爲桓也

段云是氏占通用未二句據段校正

馬曰治西傾山惟因

桓水是來言無餘道也 傳曰桓水自西傾山南行 疏曰

自西傾山南行因桓水是來浮於潛水也地志桓水出蜀郡

蜀山西南行羌中入南海則初發西傾未有水不知南行幾里得桓水也 後按漢臨洮在今爲甘肅洮州慶治所三面臨番南與四川松潘廳接界外連蒙古邊境西傾山在其界內鄭云桓是隴阪名者郭仲產秦州記謂隴西郡隴山東西百八十里後漢隗囂傳謂之隴坻章懷注坻阪是也諸書言此阪大率皆就今鞏昌府隴西縣東至隴州汧陽一路而言此經言由西傾因阪以浮於潛水則當由今洮州廳東北行歷鞏昌之漳縣伏羌縣秦州之禮縣至西和縣浮西漢水以入洄西和縣今屬鞏昌府卽漢隴西郡西縣西漢水卽潛也織皮諸國及西傾山雖皆雍州境然欲由本州浮積石則西傾之西北距積石千里皆重山疊嶂道險難達況欲東至京

師反取西北路以往舍近圖遠必無是理惟因桓是來則過
阪卽入西漢徑行甚便故鄭云然也下文浮潛逾沔自是禹
巡行州境非爲欲達帝都馬及傳疏皆非也 又案酈道元
謂蜀山西傾俱有桓水以和夷之和爲蜀山桓水以因桓之
桓爲西傾桓水其說據馬王注因謂自西傾至葭萌入西漢
卽潛水也自西漢溯流而屬於晉壽界阻漾枝津南歷岡穴
迤邐而接漢沿此入漾所謂浮潛而逾沔矣酈此條所謂桓
水卽白水水經注白水出西傾山流注漢水以今輿地言之
白水自洮州衛流經文縣平武龍川府治劔川至昭化縣東入西
漢水近人以爲此卽禹貢桓水然桓是乃山阪之稱究以鄭
說爲確

浮于潯逾于沔入于渭亂于河

閩云經逾于沔逾當爲入入于渭入當爲逾傳寫之誤也

鄭曰或謂漢爲沔

傳曰漢上曰沔越沔而北入渭浮東陵

河正絕流曰亂

後案沔水一名沮水出武都沮縣東狼谷

東南流至沮口與漾水合漾於是兼有沔稱凡水有隨地異名者漾東流爲漢又東爲滄浪之水是也有因他水決入而互受通稱者漢曰沔是也道水之文凡互受通稱者不志故道漾不言沔此經欲明浮潛入渭中間所由之路在漾下漢上故特稱沔以別之渭水詳道渭河謂西河也以今輿地言之浮嘉陵江至廣元縣北龍門第三洞口舍舟從陸越岡繼而北至第一洞口出谷棄舟至沔縣南經所謂浮潛逾沔也以上梁州巡境事畢以後自沔入南鄭縣界抵褒城東歷褒

水登陸經水行百餘里入斜水至郿縣東北入渭沿流而東
亂河則至雍州矣 又案漢河渠書云武帝時有上書欲通
褒斜道及漕事下御史大夫張湯湯問之言抵蜀從故道屬縣
武都郡卽今漢中鳳縣也故道多阪回遠今穿褒斜道少阪近四百里而
褒水通沔斜水通渭皆可以行船漕漕從南陽上沔入褒褒
絕水至斜間百餘里以車轉從斜下渭如此漢中穀可致而
山東從沔無限便於底柱之漕上以爲然拜湯子卬爲漢中
守發數萬人作褒斜道五百餘里道果使近便而水多湍石
不可漕此經俗儒指爲轉輪重運不應有從陸處其實則是
禹巡行梁境畢乃從梁至雍治水耳有陸何不可由乎自漕
邈沔歷岡穴不過二十里自沔邈渭沔褒入斜所歷山陵亦

不過百里合兩處僅一二日程耳禹豈必欲盡從水而畏此
一二日之陸程哉逾沔入渭昔人多以經例由水而陸以入
水曰逾由水入水曰入傳氏寅以上逾沔該下變文言入爲
確非沔渭水道可通也

黑水西河惟雍州

釋文雍
於用反

鄭曰雍州界自黑水而東至於西河也 後案雍之西境如

西傾積石豬野流沙三危黑水殷周皆沒於戎翟矣爾雅目

離州以河西則華山以南不在界中可知其西北亦當虧損

殷周之雍寔小於禹貢也 又案以今輿地約之陝西之西

安同州鳳翔延安榆林甘肅之蘭州平涼鞏昌慶陽甯夏西

甯涼州甘州鎮西十四府乾州邠州興安鄜州綏德肅州迪

化安西入州洮州一廳漢中府除鳳縣秦州除徽縣兩當爲
梁州餘皆雍州其在邊外者南至西傾積石西逾三危北至
沙漠遼闊不可絕紀矣

弱水既西段云釋文道弱水一本作溺說文引桑欽說作溺蓋壁中故書後人以溺爲沈休字因用弱爲溺字

鄭曰岷水皆東此獨西流故記其西下也

涇屬渭汭

釋文汭本又作內馬云入也

鄭曰涇水渭水發源皆幾二千里然而涇小渭大屬於渭而

入於河地里志云涇水出今安定涇陽西开頭山東南至京

兆陽陵行千六百里入渭後案涇陽故城在今甘肅平涼

府治平涼縣西南开頭山在縣西一百里涇水出

史記黃帝西至於空

同登斧頭之山是也東南流逕其縣南又東南逕華亭縣東北華亭在府南一

百二十里本漢又東南逕州南涇州在府東一百五十里本漢安定縣唐為保定縣涇州治

又東逕長武縣北汭水入焉長武在邠州西北八十里本漢鵠縣地唐為宜祿縣汭水源

出鳳翔府隴州西四十里弦蒲數又東南逕邠州北邠州在東流過長武縣南而東注於涇

西北三百五十里本漢漆又東南逕淳化縣西淳化在州東縣唐為新平縣邠州治

十里本漢又南逕永壽縣東永壽在乾州北九十里本漢漆縣地又南逕醴泉

縣東醴泉在西安府西北一百二十里本漢谷口縣又東南逕涇陽縣南涇陽在府北七十里

本漢池陽縣晉惠又東南逕高陵縣西南入於渭水高陵在帝析置池陽縣

七十陽陵故城在高陵縣西南二十里即涇入渭處也又

案汭說文云水相入也閔二年左氏杜注水之隈曲口汭雍

州有二渭汭此渭汭當為漢高陵縣地後渭汭當為漢襄德

縣地今朝高陵者涇渭二水之合襄德者河渭二水之合均

爲水相入均爲水之隈曲也

漆沮既從

傳曰漆沮之水已從入渭 疏曰地理志云漆水出扶風漆縣西關驪十三州志云漆水出漆縣西北岐山東入渭沮則不知所出蓋東入渭時已與漆合謂發源遠以渭爲主故云既從從于渭也 後案大雅自土沮漆周頌猗與漆沮傳云岐周之二水也幽譜云幽今屬右扶風栒邑其封域在禹貢雍州岐山之北潛詩疏云漆沮自幽歷岐周以至豐鎬然則毛鄭雖分言漆沮其實一也幽譜疏引杜預云幽在新平漆縣東北則大雅箋云漆在幽者卽漢志在漆縣者矣然皆不言其源流說文則云漆水出右扶風杜陵岐山東入渭一曰

入洛杜陵當作杜陽以上所言皆此經既從之漆也而沮則
無攷漢右扶風有漆縣又有杜陽縣今長武邠州麟游三州
縣地卽漢漆縣及杜陽縣地也水經云漆水出扶風杜陽縣
俞山俞山疑卽岐山山海經又云獫狁之山而鄭注引關駟十三州志分爲二
漆水其說云漆水出漆縣西北岐山東入渭今有水出杜陽
縣岐山北漆谿謂之漆渠西南流注岐水蓋所出所入各別
自是兩水元和志云漆水在新平縣西九里漆縣唐爲新平縣今邠州是
北流注于涇今麟游縣東南亦有漆水與此異寰宇記引水
經注曰漆水自宜祿界來又東過漆縣北元和志宜祿縣東至邠州八十一里
今長武縣是卽今邠州所治也今縣西九里有白土川東北流經
白土原東陳陽原西又東北注涇水恐是漢之漆水古今異

名耳麟游之漆水南流與杜陽水合非漢之漆水也今考涇水自邠州北東南流入永壽縣界漆水東北流必注于涇言人渭者非也二漆之中在麟游者當是沮水一則注涇以入渭一則合杜岐雍以入渭皆在涇水之西而道渭云又東會於涇又東過漆沮則漆沮乃在涇水之東蓋有二漆沮雍州之漆沮非道渭之漆沮也正義於此節解爲扶風漆沮於道渭解爲馮翊北之洛水是也 孫云說文瀘水出北地直路西東入洛水經地志瀘作沮漢直路縣在今陝西中縣西北二百里懷德縣在今陝西富平縣西又案漆沮瀘水洛水一也說文又有漆水出右扶風杜陵岐山東入渭一曰洛水詩綿所云自土汭一漆者此漆在今陝西岐山縣經文于涇屬

渭汭下云漆沮既從似以澧水從洛入渭爲是若此漆入渭
又在上流也

澧水飲同

澧詩有聲作豐封禪書漢郊祀志水經注渭水篇同漢地志作鄠段云加邑者漢人字加水者衛包所改

攸地志作逸

傳曰澧水所同同之於渭 疏曰地理志澧水出右扶風鄠

縣東南北過上林苑入渭 後案鄠縣今屬西安府其故城

在縣北二里上林苑在今長安縣西南水經渭水篇曰渭水

自槐里縣故城南

槐里今爲興平縣在西安府西少北一百里

又東至鄠縣又東

豐水從南來注之漢書音義張揖曰鄠水出鄠縣南山鄠谷

北入渭長安志豐水出長安縣西南五十五里終南山豐谷

其源闊一十五步其下闊六十步水深三尺自鄠縣界來由

馬坊村入咸陽合渭水

咸陽縣在西安府西北五十里

詩曰豐水東注維禹

之積鄭箋豐在豐水之西鎬在豐水之東相去蓋二十五里

上林賦李注引關中記云涇渭灃澆鄠鎬潦潯凡八川八川

惟涇在渭北餘皆在渭南出南山谷口北入渭澧水禹功所

及故獨著於經

荆岐既旅

傳曰已旅祭言治功畢此荆在岐東非荊州之荆 疏曰地

理志禹貢北條荆山在左馮翊襄德縣南下有疆梁原

終南惇物至于鳥鼠

惇本紀地志水經皆作敦

鄭曰地里志終南惇物皆在右扶風武功也 傳曰三山名

言相望 疏曰地理志云右扶風武功縣有太一山古文以

爲終南垂山

孫云垂當作岳

古文以爲博物皆在縣東三山空舉山

名不言治意蒙上旣旅也 後案詩周南傳云周之名山曰

終南亦名中南左氏亦曰中南九州之險淮南俶真訓又名

終隆以今輿地言之此山西起秦隴東跨長安咸甯藍田整

屋四縣之境然縣亘雖廣而以武功之太一爲主峯故漢志

以太一當之水經注云太一山亦曰太白山在武功縣南

武功

故縣在今鳳翔府郿縣東四十里渭水逕其北南對太白山

去長安二百里博物山在今

武功縣東南二百里卽太一之北峯故連言之荆岐鳥鼠並

詳道山

原隰底績至于豬野

豬本紀作都水經廣雅同野地志作壘

鄭曰詩云度其隰原卽此原隰是也原隰關地從此致功西

至豬野之澤也地理志都野在武威名曰休屠澤 疏曰地
志武威縣東北有休屠澤古文以爲豬野 後案漢武威縣
屬武威郡今甘肅涼州府鎮番縣地也漢志武威郡休屠縣
有休屠城元和志云在涼州姑臧縣北六十里今涼州府治
卽姑臧故城也北至鎮番縣一百九十里地理志曰谷水出
姑臧南山北至武威入海屈此水流兩分一水北入休屠澤
俗謂之西海一水又東逕百五十里入豬野世謂之東海

三危既宅三苗丕敘

宅本紀作度丕
訓大敘作序

鄭曰河圖及地記書曰三危之山在鳥鼠之西南當岷山則
在積石之東南 疏曰地理志杜林以爲散煌郡卽古瓜州
也昭九年左傳允姓之姦居瓜州杜注允姓之祖與三苗俱

放於三危瓜州今散煌也

厥土惟黃壤厥田惟上上厥賦中下

謹案太史公言雍州積高爲神明之奧則田上上者鄭以高言是也賦中下者禹時人功未闢沃野尙少且雍州西北境苦寒多不毛之土也

厥貢惟球琳琅玕

球本紀作璆說文球玉也或从璆作璆琳段云鄭本作玲音同義異

鄭曰球美玉也玲美石也琅玕珠也傳曰球琳皆玉名琅玕石而似珠者

浮于積石至于龍門西河會于渭汭

傳曰積石山在金城

後案金城郡昭帝時置孔子國所不能知

西南河所經也沿

河順流而北千里而東千里而南龍門山在河東之西界逆

疏曰會自渭北涯逆水西上 疏曰地理志云積石在金城
河關縣西南羌中河水行塞外東北入塞內積石非河之源
故云河所經也河從西來至此北流故沿河順流而北釋水
云河千里一曲一直故千里而東千里而西至於龍門西河
也地里志龍門山在左馮翊夏陽縣北此山當河之道禹鑿
以通河東郡之西界也傳言禹白帝訖從此西上更入雍州
界也諸州未惟言還都之道此州言發都更去明諸州皆然
也 後案地志金城郡河關縣積石山在西南羌中河水行
塞外東北入塞內在今甘肅西甯府西甯縣西南甯塞外夏
陽今同州府韓城縣龍門山在縣東八十里與山西河津縣
分界北魏志梁山北有龍門山故龍門亦兼梁山之稱黃河

在韓城縣東五十里自延安府宜川縣流入境歷龍門口而
下有禹門渡通山西河津縣寰宇記云龍門山北有河口略
似龍門而不能通相傳鯀治水時所鑿績用弗成今名錯開
河龍門在韓城縣東北龍門山後周時所立最爲險阨關之
下卽禹門渡渭汭在河岸西岸華陰朝邑韓城皆是蓋河自
北來渭自東注實交會於華陰故曰渭汭

織皮崑崙析支渠按西戎卽敘崑崙本紀作昆侖段云說文山部無崑崙字唐宋人所加析支
大戴記五帝德作鮮支析鮮雙聲後漢西羌傳賜支
賜析同音按本紀作度地志作叟敘紀志皆作序

鄭曰衣皮之民居此昆侖析支渠按三山之野者皆西戎也
昆侖謂別有昆侖之山非河所出者也 馬曰昆侖在臨羌
西析支在河關西 後案漢書西域傳贊引此而解之曰禹

就而序之非上威服致其貢物是也傳記言昆侖凡四處一
爲河源山海經云昆侖虛在西北河水出其東北隅水經注
云曰昆侖至積石一千七百四十里又引涼土異物志曰蔥
嶺之水分流東西入大海東爲河源禹本紀所謂昆侖是
也一在海外大荒經云西海之南流沙之濱大山名曰昆侖
其下有弱水之淵環之此山與條支大秦國相近禹本紀云
去嵩高五萬里者也一在酒泉漢志金城臨羌縣西有弱水
昆侖山祠括地志云在酒泉縣西南八十里今肅州西南昆
侖是也一在吐蕃通典云吐蕃自云昆侖山在國中西南河
之所出唐書吐蕃傳云劉鼎元使還言自湟水入河處西南
行二千三百里有紫山直大羊同國古所謂昆侖蕃曰悶摩

黎山東距長安五千里河源其間是也按山海經所云昆侖
虛至積石一千七百里正河所出非西戎所居鄭與馬合蓋
以西戎所居昆侖在臨羌也水經注云自析支以西濱於河
首羌居其右河水東流屈而東北逕於析支之地是爲河曲
矣後漢書西羌傳云西羌之本出自三苗姜姓之別也其國
近南岳及舜流之三危河關之西南羌地是也濱於賜支至
平河首縣地千里皆羌地賜支南接蜀漢徼外蠻夷西北接
鄯善車師漢人以西域兩河合流至鹽津潛行地下南出於
積石爲中國河析支之地後爲党項所居漢河關縣在今甘
肅西甯府西甯縣西南塞外地也渠犍亦西戎周書王會渠
犍以巖犬孔鼃注渠犍西戎之別名漢武紀應劭注禹貢渠

搜在金城河關之西西戎也釋文以漢志朔方郡有渠按縣
當之非是

皇清經解續編卷三百二十四終

仁和邵順穎校
桐城姚永槩校

皇清經解續編卷三百二十五

尚書今古文集解三下

武進劉逢祿申受著

尚書弟三下

夏書

道岍及岐至于荆山逾于河

岍釋文字又作岍馬本作開紀志皆作岍本紀云道九山岍及岐逾

本紀作論

鄭曰四列道岍爲正陰列西傾爲次陰列嶓冢爲次陽列岷山爲正陽列地理志岍在右扶風馬曰三條道岍爲北條西傾爲中條嶓冢爲南條疏曰地理志吳岳在右扶風岍縣西古文以爲岍山岐山在美陽縣西北荆山在襄德縣三山皆在雍州逾于河謂山逾之也此處山勢相望越河而東後案天官書曰中國山川東北流其惟首在隴蜀尾沒于

勃碣今鄭此注所分四列皆在隴蜀正所謂維首鄭順經文
先後之言其實當正陽次陽次陰正陰爲列而至于碣石入
于海正居陰列之末所謂東北流尾沒于勃碣者鄭注與史
漢合此古義也馬云三條者漢志有北條荆山南條荆山是
古有此說但以蟠冢岷山二列并爲一條恐不如鄭義長也
續漢志汧縣有吳嶽山本名汧職方雍州山鎮曰嶽山詩疏
引鄭志周都豐鎬以吳嶽爲西嶽據此知西周以羣嶽爲中
嶽亦不數嵩高也漢汧縣唐汧源縣隴州治明省縣入今爲
鳳翔府之隴州州南三里有汧縣故城汧山在州南七十里
水經注云汧水出汧縣之蒲谷鄉弦中谷決爲弦蒲陂爾雅
云水決之澤爲汧也岐山今在陝西鳳翔府岐山縣東北十

里岐陽廢縣在岐山縣東北五十里唐貞觀七年置周大主
居岐之陽卽此漢志左馮翊襄德縣西貢北條荆山在南下
有彊梁原洛水東南入渭今朝邑縣有襄德故城荆山在其
竟也

壺口雷首至于大岳

段云大岳霍大山史漢善本俱作大
唐石經以下作太岳也下大行同

傳曰三山在冀州大岳上黨西疏曰地理志壺口在河東

北屈縣東南雷首在河東蒲坂縣南大岳在河東彊縣東是

三山在冀州以大岳東近上黨故云在上黨西也後案蒲

反故城在今山西蒲州府治永濟縣東南漢縣舜所都大岳

卽霍山漢上黨郡今山西潞安府是霍大山在今平陽府霍

州東北

底柱析城至于王屋

底本紀作砥段云說文同字

傳曰此三山在冀州南河之北東行疏曰地理志云析城

在河東潁澤縣西南王屋在河東垣縣東北地志不載底柱

底柱在大陽關東析城之西從底柱至王屋在冀州南河之

北東行也後案潁澤今在山西澤州府陽城縣其故城在

縣西三十里垣縣今絳州垣曲縣其故城在縣西四十里大

陽今解州平陸縣其故城在縣東北皆漢縣大陽關今在河

南陝州東王屋山在今懷慶府濟源縣西北唐王屋縣地西

與垣曲接界

大行恒山至于碣石入于海

後案大行列子作大形行古讀若杭晚周變讀若形非古音恒本紀

避文帝諱作常

傳曰此二山連延東北接碣石而入滄海百川經此衆山禹
皆治之不可勝名故以山言之 疏曰地理志云東太行山
在河內山陽縣西北西太行山在河內野王縣西北恆山在
常山上曲陽西北太行去恆山太遠恆山去碣石又遠故傳
云然山旁之水多入海山不入海也傳又解治水言山之意
謂漳潞汾涑在壺口雷首太行經底柱析城涉出王屋淇近
太行恆衛漳沱滏易近恆山碣石之等也 後案道山本言
山脈傳言治山旁水與鄭異疏附會之皆非也漢山陽縣今
河南懷慶府修武縣故城在縣西北堊王今河內縣故城卽
今懷慶府治太行自此起縣亘山西澤州迤而東北跨陵川
壺關平順潞城黎城武鄉遼州和順平定樂平以及河南之

輝縣武安直隸之井陘獲鹿諸州縣界中皆是上曲陽今爲
直隸定州曲陽縣故城在縣西恆山在今縣西北漢志右北
平驪成縣大碣石山在縣西南莽曰碣石遼西郡黎縣有碣
石水南入官不言有山黎縣今罷入臨渝此石著海旁續志
劉昭注碣石山在臨渝縣南晉省臨渝入肥如隋唐省肥如
入新昌尋又改新昌曰盧龍盧龍後僑置營州柳城縣遼改
曰廣甯金又改曰昌黎漢驪成故城大約在今撫甯縣西南
黎縣故城大約在今昌黎縣北

西傾朱圉鳥鼠至于大華

圉本紀索
隱一作圖

鄭曰地理志云朱圉在漢陽南大華山在宏農華陰南 後
案前志天水郡冀縣禹貢朱圉山在縣南梧中聚師古曰

與圉同鄉不言實縣言漢陽者志云天水郡明帝改漢陽續志亦云永平十七年更名鄭據續志非前志益州部犍爲郡之漢陽縣也續志宏農郡華陰故屬京兆鄭不言京兆言宏農者亦據續志也漢冀縣唐爲伏羌縣元和志朱圉山在伏羌縣西南六十里渭水經縣北去縣一里最是今伏羌縣治宋熙寧三年以伏羌寨爲城較唐故縣移向西南三十里故縣志云朱圉山在縣西南三十里漢冀縣故城在今縣南五十步鳥鼠漢志在首陽縣西魏改首陽曰渭源隋屬渭州唐因之今屬甘肅蘭州府山在縣西七十里若從傳爲治山旁水則自西而東應先鳥鼠後朱圉經似誤倒若以山脈言則通輿天水郡上邽縣有朱圉山九域志秦州成紀縣有朱圉

山岷州大潭縣有朱圉山是山脈縣亘於伏羌西南者甚眾
可與鳥鼠錯雜舉之必執班志梧中聚以爲村落中一小山
亦非也西傾已見梁州山在今甘肅洮州廳西南 謹案呂
祖謙以爲依山次當先鳥鼠後朱圉史倒文耳

熊耳外方桐柏至于陪尾

陪本紀作負漢志作倍顏師古
云倍讀曰陪段云倍負古音同

鄭曰屬豫州地理志熊耳在盧氏東外方在潁州密高
密高山也桐柏山在南陽平氏東南陪尾在江夏安陸東北若橫
尾者 後案鄭所引地志前後二志略同又引外方云云者
潁川郡密高縣注云武帝置以奉太室山是爲中岳有太室
少室山廟古文以爲外方山也續志則云潁川郡陽城縣有
嵩高山鄭氏詩譜云外方之山卽嵩也漢地志南陽郡平氏

縣注禹貢桐柏大復山在東南淮水出又江夏郡安陸縣注

橫尾山在東北古文以爲倍尾山

周禮保章氏賈疏博物志隋唐志皆以爲泗水陪尾

此又一陪尾與漢志鄭注不合

元和志云一名橫山盧氏今屬河南陝州山

在縣西南五十里詳道洛密高今爲河南府登封縣山在縣
西十里東跨密縣西跨洛陽北跨鞏縣縣巨百五十里平氏
今爲南陽府桐柏縣故城在縣西北四十里山在縣西東南
接湖北德安府隨州界西接襄陽府棗陽縣界詳道淮安陸
今德安府治

道嶧冢至于荆山

鄭曰地理志荆山在南郡臨沮

後案前志南郡臨沮縣禹

貢南條荆山在東北續志同漢臨沮縣隋唐改臨漳縣今爲

南漳縣屬湖北襄陽府蟠冢見梁州

內方至于大別

鄭曰地理志內方在竟陵名立章山大別在廬江安豐縣
疏曰地理志立章山在江夏竟陵縣東北古文以爲內方山
也 後案前志六安國安豐縣禹貢大別山在西南此縣後
漢改屬廬江郡不屬六安國故鄭云廬江安豐也大別在安
豐則揚州界傳疏以爲荊州非也漢竟陵故城在今湖北安
陸府鍾祥縣南安豐故城在今江南六安州霍山縣西北
謹案大別辨詳道水桐城姚鼐以爲漢志此條誤大別當入
安陸下

岷山之陽至于衡山

傳曰岷山江所出在梁州衡山江所經在荊州 後案江水
南距荊州五六百里山乃湘水所經於大江無涉岷山地志
在蜀郡獮氏道西徼外江水所出獮氏道今爲四川龍安府
松潘廳山在屬西北已見梁州衡山地志在長沙國湘南縣
東南湘南縣今爲湖南衡山縣屬衡州府山在縣西北三十
里已見荊州

過九江至于敷淺原

敷漢志作傳段云作敷者淺人所改徐廣史記音義曰淺一作減

傳曰敷淺原一名博陽山在揚州豫章界 後案漢志豫章

郡歷陵傳易山傳易川在南古文以爲傳淺原則傳淺原乃

水也

段云水經志禹貢山水澤地所在凡六十九江東陵傳淺原大邳三溼皆爲地班合傳易山川釋傳淺原亦地

也通典江州潯陽縣有蒲塘驛卽漢歷陵縣也驛前有敷淺

原原西數十里有敷陽山考唐武德八年於潯陽縣置蒲塘驛後改爲場五代時楊吳升爲德安縣今治故驛也屬江西九江府在府治德化縣西南一百五十里

道弱水

釋文弱本或作弱說文引作瀉

鄭曰地理志弱水出張掖凡言導者發原于上未成流凡言自者亦發原于上未成流此經自弱水已下言過言會者皆是水名言至于者或山或澤皆非水名 後案言過會至于皆是水之先後非施功之次第蓋施功先下流不先上原益知道山言山脈非言治山旁水也

至于合黎

黎地理志作黎水經作離

鄭曰合黎山名地說云合黎山在酒泉會水縣東北 馬曰

合黎地名 後案鄭例言至于者皆非水名馬與鄭合傳云
合黎水名在流沙東非也 謹案今有合黎河在肅州西南
會弱水入合黎山卽傳所云在大流沙東者也然非經文弱
水

餘波入于流沙

鄭曰地理志流沙在居延西北名居延澤地記曰弱水西流
入合黎山腹餘波入于流沙通于南海 傳曰弱水餘波西
溢入流沙 疏曰地理志張掖郡刪丹縣桑欽以爲道弱水
自此西至酒泉合黎又居延縣有居延澤在東北古文以爲
流沙如志之言酒泉郡在張掖郡西居延屬張掖合黎在酒
泉則流沙在合黎之東與此傳不合當如傳文合黎在流沙

之東不得在其西也 後案漢張掖郡今爲甘肅甘州府治
張掖縣刪丹縣今爲山丹縣屬甘州府在府東一百二十里
弱水自此出酒泉郡今爲肅州會水縣故城在州東北合黎
山在其東北居延縣故城在今甘州府治東北一千五百里
其澤曰居延海弱水正流自刪丹西流至酒泉合黎其餘波
自合黎東流至居延流沙合黎明在流沙之西傳曰在東者
蓋因弱水爲西流之水不當東北入居延故改之耳然水經
流沙地在張掖居延縣東北注云居延澤在其縣故城東尙
書所謂流沙形如月生五日是漢志古文說居延謂禹貢流
沙灼然可據鄭又云通于南海者淮南陸形訓云赤水之東
弱水出自窮石至于合黎餘波入于流沙絕流沙南至南海

又山海經云流沙出鍾山西行又南行昆侖之虛西南入海

是也顧師古杜佑承傳之誤謂流沙在敦煌西

敦煌縣今近安西州治

人因通徵西域流沙以當之不知王制自西河至于流沙千里而遙惟其在居延故耳若西域之流沙距西河且萬里安得云千里哉今弱水實入居延而嘉峪關外並無西流出塞入大流沙之水則傳疏皆無稽之言也 謹案雍州云弱水

既西者謂在州界之西不入中國也鄭以爲西流僅指其發原至合黎者言之鄭此注引地記以爲通於南海古以夷狄戎蠻爲四海意以爲餘波在西域界耳今弱水原出山丹縣之窮石山西流入合黎山復出而東北行歧爲二股皆入居延澤則淮南所云絕流沙南至南海蓋指居延澤東南之休

屠澤大宛傳案隱引太康地記云河北得水曰河塞外得水曰海也山海經但言流沙西南行昆侖之虛又西南入海也與禹貢弱水無涉說文岬山或曰溺水之所出卽張掖雞山蓋亦本之地記與鄭合也

道黑水至于三危入于南海

鄭曰地理志益州滇池有黑水祠而不記此山水所在今中國無也地記曰三危山在鳥鼠之西而南當岷山則在積石之西南當黑水祠黑水其出南裔疏曰水經黑水出張掖

雞山南流至散煌過三危山南流入于南海

今本無

後案夏

殷之衰雍州西北境皆爲戎翟所據此地山川已渺茫矣班志張掖酒泉散煌郡下並無其文鄭道元亦不過順經爲義

與他水懸敘所過郡縣者相去遠矣惟據鄭說可知三危在
鳥鼠之西岷山之北積石之南而已山海經曰灌湘之山又
東五百里曰雞山黑水出焉而南流注于海太平御覽引張
掖記曰黑水出縣界雞山亦名元圃昔有城氏女簡狄浴于
元止之水卽黑水也據此則雞山當在今甘州府張掖縣界
漢爲鷀得縣地然今張掖縣西有張掖河卽古羌谷水出羌
中北流至縣西爲張掖河合弱水東北入居延海此乃弱水
並不經三危入南海安得以爲黑水耶括地志云黑水原出
伊吾縣北二十里又南流二十里而絕三危山在敦煌縣東
南四十里此所言黑水源與張掖雞山又別唐伊吾縣今爲
哈密並無黑水源所謂南流絕三危者亦無考是諸說皆不

足据當從杜佑闕疑爲是 孫云鄭氏泥于地說三危在鳥
鼠西南不用散燐有三危之說耳括地志所云伊吾縣今爲
哈密出美瓜左氏所謂瓜州允姓之戎所居正三苗所竄之
三危故天問云黑水元阯三危安在設詞以告君非竟不知
處也 謹案今至鎮西府者多目驗得之此雍西界之黑水
也至梁州之黑水胡朏明以金沙江合若水瀘水當之其一
枝南流入滇池卽經所云入于南海地志云益州滇池有黑
水祠是也弱水黑水二條源流俱不入中國故略記于河漢
之前增記西藏總傳衛在打箭爐西南俗稱前藏藏在前西
南俗稱後藏喀木在衛東南三處統名三危卽禹貢道黑水
至于三危也近人或以瀾滄江怒江牂柯諸江當之要皆臆

度未足爲信

道河積石至于龍門

馬曰北條行河中條行渭洛濟淮南條行江漢 後案呂覽
古樂篇云禹鑿龍門降通澠水以道河墨子兼愛篇云禹北
爲防原酒爲底柱鑿爲龍門以利西河之民淮南子云古者
龍門未開呂梁未鑿河出孟門之上賈讓奏云大禹治水山
陵當路者毀之故鑿龍門析底柱是也漢志金城郡河關縣
積石山在西南羌中河水行塞外東北入塞內段穎傳自張
掖追西羌且闕且行四十里至河首積石山出塞二千里所
言皆禹貢之積石自東晉後河關故縣爲吐谷渾所據隋大
業二年平吐谷渾於赤水城置河源郡以境有積石山名唐

儀鳳二年改置河源軍在鄯州西百二十里

鄯州卽西平郡湟水縣今爲西

常府

又於撓河故城置積石軍在廓州西南百五十里

廓州故城

在今西甯府南一百八十里

而積石之名遂移於塞內故章懷太子注後

漢書杜佑通典皆以龍支之小積石爲禹貢之積石非也龍
門漢志在馮翊夏陽縣北隋改縣曰韓城故括地志云龍門
山在韓城縣北五十里此河西之山東與壺口隔水相望通
典云同州韓城絳州龍門二縣有龍門山卽禹所鑿是河東
亦有龍門山也 又案自古言河出昆侖而雍州昆侖在臨
羌非河源爾雅山海經皆無指實惟於實之西水西流其東
水東流注鹽澤潛行地下南出爲河源見史記大宛漢書西
域傳言河源者以此爲正唐人勦新說謂河源昆侖在吐蕃

境內吐蕃傳載劉元鼎所見元史載都實所窮又大同小異
皆非禹迹所至今略不辨 謹案西域傳蒲昌海一名鹽澤
山海經謂之弱澤在今
廣西府關展西南去玉門陽關三百餘里廣袤三百里其
水停居冬夏不增減皆以爲潛行地下南出於積石爲中國
河段頗傳云出塞二千餘里蓋言追羌至積石又出塞二千
餘里非積石在外二千餘里也

南至于華陰

後秦水經河水篇南出龍門口汾水從東來注之此下歷敘
所經至又南至華陰潼關渭水從西來注之正此經所謂南
至于華陰也

東至于底柱

鄭曰地說河水東流貫底柱觸闕流今世所謂底柱者蓋乃
闕流也砥柱當在西河未詳也 傳云底柱山名河水分流

包山而過山見水中若柱然在西轡之界 後接水經河水

瀋歷敘所經至東過底柱閒注云砥柱山名昔禹破山以通

河三穿既決水流疏分指狀表目亦謂之三門矣山在號城

東北大陽城東也

大陽在今山西平陸縣東北

鄭云砥柱當在西河西河

無山以擬之自砥柱以下五戶灘以上其閒竦石築出一百

二十里蓋亦禹鑿以通河疑此闕流也鄭以底柱卽三門元

和志同而唐王翰遊三門記曰三門集津在平陸縣東六十

里禹鑿山作三門以通河流南爲鬼門中爲神門北爲人門

鬼門迫窄水勢極峻急人門水稍平緩直東可五十步中統

有小山乃底柱也神門最修廣水安妥隋唐舊迹之道山崑
上有閭道牽泐石深尺許翰蓋目驗知之然則砥柱與三門
異地鄭之分析當亦爲此鄭以三門爲底柱五戶諸灘爲閼
流則非也西魏今爲陝州傳總括言之不復分析也

又東至于孟津

孟紀志皆作
盟古音同

傳曰孟津地名在洛北都道所濟古今以爲津 後案漢志

河內郡河陽縣孟津在其境河陽本晉邑漢置縣故城在今

河南懷慶府孟縣西南二十里 謹案薛綜注東京賦孟津

四瀆之長武王爲諸侯約誓于其上尚書曰東至于孟津下

云云與傳同

東過洛汭至于大伾

段云洛當作雅汭漢志作內伾釋文本
或作伾字又作汭爾雅釋山一成环說文

土部同夏本紀水經作邪疑卽既之異體

鄭曰大坏地喉也沈出坏際矣然則在河內修武武德之界
沛沈之水與滎播澤出入自此 疏曰鄭云在修武武德之
界鄭揖云成皋縣山也漢書音義有臣瓚者以爲修武武德
無此山也成皋縣山又不一成今黎陽縣山臨河豈不是大
伾乎瓚言當然 後按洛汭左傳杜注在鞏縣南皇甫謐世
紀在鞏縣東北三十里鞏縣漢屬河南郡其故城在今鞏縣
西南三十里據元和志隨時鞏縣移治東界則洛汭在其西
矣修武武德漢屬河南郡修武縣今爲河南懷慶府武德縣
故城在今武陟縣東張揖云在成皋縣水經注同成皋漢屬
河南郡其故城在今開封府鄭州汜水縣西北蓋鄭以河北

岸之山言之張以河南岸之山言之惟臣瓚謂在黎陽黎陽
漢屬魏郡其故城在今衛輝府濬縣東北山在其東南周五
十里高四十丈瓚蓋以修武武德無山可當不知山僅一成
臨河南北岡阜豈無足當之者成臬差高大張說尤的顧氏閻氏胡氏
俱沿臣瓚及隋志之誤

北過降水至于大陸釋文降如字鄭戶江反後案降漢書作澤此傳寫之誤地志作絳說謬然亦不從水也

鄭曰地說云大河東北流過降水千里至大陸爲地腹地理
志曰大陸在鉅鹿絳水在安平信都南如志之言鉅鹿與信
都相去不容此數也水土之名變易世失其處見降水則以
爲絳水故依而廢讀或作絳字非也此桑欽說今河內其縣北山

其水出焉東至魏郡黎陽縣入河近所謂絳水也降讀如郎降于齊師之降聲轉爲其蓋周時國其地者惡言降故改云其耳今河所從去大陸遠矣館陶北屯氏河其故道與後案鄭据地說以駁地志以絳水爲禹貢降水之非也地說云降水至大陸千里而地志旣言鉅鹿郡鉅鹿縣禹貢大陸澤在北又言信都國信都縣故章河在北東入海禹貢絳水亦入海鉅鹿縣今爲順德府平鄉縣兼得邢臺縣地信都今爲冀州平鄉在冀州西南僅三四百里安得有千里故鄭云相去不容此數也且信都絳水本章水之徙流而漢志乃以爲此經之降水則經當云北至于大陸過降水矣其謬顯然漢志河內郡其縣北山淇水所出東至黎陽入河說文水部渠

字注與志同竊意志不言其水而言淇水疑後人以共是水
名加水又轉寫作淇耳鄭當實驗而知是其水也漢志魏郡
館陶縣河水別出爲屯氏河東北至章武入海遼郡四行千
五百里鄭據當時河道黎陽淇口去大陸雖遠猶僅六七百
里未合地說之文若從屯氏則道尤迂遠其水入河之處去
大陸千里故因地說而疑屯氏爲河故道也 又案水經注

河水篇於汜水滎陽下歷敘所經至延壽津今滑縣境乃云

又東淇水入焉又東逕遮害亭南有宿胥口舊河水北入也

宿胥口在滑縣西南又淇水篇於會宿胥故瀆下歷敘至頓丘縣故城

西在今滑縣東又東北逕枉人山東俗名上陽三山在滑縣北二十五里又東過內

黃縣南爲白溝即漢志所謂清河以上皆言淇口河過之鄭以此爲

降水者淇口爲禹河北折之始故曰北邇降水蓋特記之也
若依漢志降水在信都則折北已八九百里卽酈注以漳水
爲降水亦折北四五百里矣何足以識北折之始乎酈於淇
口下言舊河水北入也足見鄭注之確乃仍主衡漳爲過降
不信淇口之說而駁之曰稽之羣書其縣本共和國是有其
名不惡降而改稱禹著山經淇出沮洳淇澳衛詩列目又遠
當非改降革爲今號但其和在禹貢後不得執後之爲其而
疑前之非降淇澳更在後安知非降改耶酈駁皆非也 又
案水經言淇水東過內黃縣爲白溝而向北禹河不可得聞
注云內黃故城右對黃澤卽賈讓所見內黃界中有澤方數
十里環之有隄者也疑今內黃安陽界中亦禹河之所經河

徙乃鍾爲黃澤耳昔殷王河亶甲居相其子祖乙去相居耿
通典相州治安陽縣殷王河亶甲所居則禹河出內黃安陽
之閒明矣自此而北則爲鄴東之故大河漢志魏郡鄴縣故
大河在東北入海鄴縣今彰德府臨漳縣自此東北厯成安
肥鄉亂漳水後大河南徙漳水乃行河之故道故水經歷敘
漳水至北逕鉅鹿縣故城東卽今大陸所在也鉅鹿故城卽今平鄉縣
祖乙遷耿史記作邢杜佑云卽邢州今爲順德府蓋亦潞河
之地禹河行鉅鹿之東又明矣然則謂禹河自淇口過降由
鄴東至大陸似無不可鄭乃不取而必以屯氏爲禹河者鄴
東河雖見漢志其實是河與漳水亂流酈注云徒駭瀋連漳
絡是也若屯氏河漢志雖言河水別出但此河從濟滑之北

出內黃清河之東至滄景間與大河故瀆合自是禹河故道
河渠書云禹脩二渠二渠皆自長壽津以引其河長壽津在
今洛滑之間河渠書又言漢武道河北行復禹舊蹟所謂北
瀆一名大河故瀆者也漢志水經俱以屯氏河實出大河故
瀆鄭不直以故瀆爲禹河而以別出之屯氏當之者周譜云
定王五年河徙此所徙卽大河故瀆而非禹河故鄭以別出
者爲禹河較河渠書直以北瀆當禹河尤爲精確也 孫云
禹河至天津入海卽漢章武地今洛縣滑縣開州內黃清豐
南樂大名元城冠縣館陶堂邑清河博平高唐平原德州青
縣靜海天津皆大河故瀆所經蓋自周時河徙至漢王莽時
絕則今山東海豐入海之河俗稱老黃河衛河在其東北入

海故鄭氏以爲禹河故蹟

又北播爲九河

鄭曰播散也 後案九河徒駭爲最北之經流其餘八支皆在兗域又案鄭以淇口爲降水至大陸千里以屯氏河爲河故道考今館陶臨清清平高唐景州南皮滄州鹽山界中並有古屯氏河此河行清河之東大河故瀆之西一路皆向東北行大約至今景州大河故瀆與之合自此而東至交河南皮以下則播爲九矣許商曰徒駭在成平胡蘇在東光鬲津在鬲縣然則太史馬頰覆釜三河當在成平之南東光之北簡潔鉤盤三河當在東光之南鬲縣之北成平今交河縣東光卽今縣鬲縣今德州詳沈水至鄆注徒駭瀆連漳絳曰瀆

連則非正流近儒因謂漳水卽九河之經流曰徒駭者并卽禹河故道恐非也

同爲逆河入于海

河渠書溝洫志皆作同爲逆河入于勃海

鄭曰同合也下尾合名曰逆河言相向逆受也 後案地理志勃海郡莽曰迎河南皮縣莽曰迎河亭徐堅初學記云逆迎也言海口有朝夕潮以迎河地志于金城郡言河至章武入海于魏郡屯氏河亦言至章武入海章武屬勃海郡治浮陽卽今滄州但九河故道皆在德棣滄景間此處已迫海口似無復有地可容逆河者溝洫志引王橫曰往者天嘗連雨東北風海水溢西南出浸數百里九閻云當作逆河之地已爲海所漸矣葢海之西南岸所漸者漢潔沃琅槐廣饒鉅定壽光

平壽界今爲霑化利津蒲台樂安壽光濰縣界其所溢出南
北殆二百餘里則古之逆河當北起天津靜海滄州鹽山海
豐及霑化北界而止至其入海則禹河與漢河同也 又案
自周定王五年河徙而不詳其所以徙鄭以屯氏爲禹河則
漢之北濱是定王時徙矣至王莽遂空自後代有變遷歷東
漢至唐及宋橫隴之決河已改流然猶存京東故道至和二
年李仲昌開六塔河北流遂閉至金明昌五年河徙自陽武
而東至壽張注梁山濼分爲二派汲胙之流遂絕元至元間
又徙自新鄉出陽武之南合泗奪淮河又一大變時會通河
成資河以利漕明孝宗時築斷黃陵岡更以一淮受全河汴
泗沂亦全注之此河徙之略也

嶧冢道濛東流爲漢

段云說文濛古文漢蓋壁中故書作濛孔以今文讀爲濛漢志作養今文也淮南陸

形訓作洋高注洋或作養

鄭曰地理志濛水出隴西氏道至武都爲漢至江夏謂之夏

水 後案地志又云武都郡武都縣東漢水受氏道水一名

沔過江夏謂之夏水入江又云沮縣沮水出東狼谷南至沙

羨入江過郡五

武都廣漢漢中南郡江夏

行四千里荊州川瀆志說文則

以沮水爲沔水氏道今已無考武都在今成縣西北沮縣今

爲略陽縣然則出氏道爲濛東至武都爲漢又爲沔又東至

沮縣爲沮四名同實雖東狼谷有別源其實一水也志又云

漢中郡沔陽縣應劭云沔水出至武昌東南入江沔陽縣今

沔縣自略陽東南約三百里至沔縣然則班志氏道武都沮

縣沔陽四條源流是一言入江處曰江夏曰沙羨曰武昌亦
一也 又案蟠冢在西縣鄭注與志合此節東漢是正派蟠
冢西漢是別源以今與地言之自略陽縣南甯羌州北故茂
萌地
流經沔縣西南爲沔水又東逕沔縣襄城南鄭縣南經所謂
道漾東流爲漢也其冠以蟠冢者水經敘西漢源流云漾水
出隴西氏道縣蟠冢山東至武都沮縣爲漢水此乃東漢源
而插入蟠冢山三字是氏道亦有此山水經作於魏晉間人
因班志似不合禹貢故錯互其詞其實非也常璩華陽國志
漢中志則云漢水有二源東源出武都氏道漾山西源出隴
西蟠冢山璩心知氏道蟠冢係後撰故改爲漾山但氏道本
屬隴西如璩說則曾改屬武都又於西源舉隴西不舉西縣

皆未詳惟鄭注引劉敞之郭景純云東漢從沔陽分支南流入穴通山入西漢一說又引庾仲邕東漢通谷水自武遂川至關城合西漢一說二說可以調停尙書與班志不合之處以今輿地言之秦州西和禮縣成縣略陽甯羌廣元昭化劍州蒼溪閬中南部蓬州南充定遠合州巴縣諸州縣界中皆西漢水所經也而水經注歷敘西漢水至槃頭城南與濁水合則二漢已有流通之道又西南至通谷通谷上承漾水西南流爲西漢水卽庾仲邕云漢水自武遂川至關城合西漢也至寒水注之則卽郭璞所謂東漢一支從沔陽南流至漢壽春入大穴中通峒山下西南潛出而入西漢者亦卽鄭梁州注所謂漢別爲潛大禹自廣漢疏通卽爲西漢水者水經

注云葭萌西漢鄭康成所謂潛水者也西漢出自山源似非漢別但從沔陽伏流至葭萌者的係漢別之潛潛既與西漢合則通西漢上源皆得名潛故可以西漢之山源冠東漢首也

又東爲滄浪之水

滄本紀作蒼

鄭曰滄浪之水今謂之夏水卽漢之別流也來同故世變名焉地說曰水出荆山東南流爲滄浪之水是近楚都故漁父歌曰滄浪之水清兮可以濯我纓是此水也後案地志南郡華容縣夏水首受江東入沔行五百里鄭說荊州之沱爲夏水而此滄浪之水亦以爲夏水者蓋夏水介江漢之間既爲江別亦爲漢別也水經夏水篇云夏水出江流于江陵縣

東南又東過華容縣南又東至江夏雲杜縣入于沔卽經所
云又東爲滄浪者也而酈注於沔水篇敘至武當縣下別撰
滄浪之義云縣西北四十里漢水中有州名滄浪州縣今庚均州
仲雍漢記謂之于齡洲世俗語訛音與字變矣酈說非也地
說滄浪近楚都楚詞哀郢言出國門發郢都下言過夏首而
西浮顧龍門而不見王逸江夏首夏水口也龍門楚東門也
然則夏水出江陵東南故曰近楚都若在均州則與楚都何
涉卽屈原遊江潭遇漁父並不在均州之境又思念楚都而
託歌滄浪正當在古郢都今江陵故地說援此以爲楚都切
證又地說滄浪出荆山按地志南郡臨沮縣禹貢南條荆山
漳水所出東至江陵入陽水陽水入沔陽水卽夏水水經注

名夏陽水王粲在荊州賦云挾清漳之通滄山海經云荆山
漳水出焉而東南注于雒然則漳本荆山夏本分江二水
異源而同流故自下通稱漳流至楚都爲陽又爲夏至入漢
處爲堵口隨地異名漳之爲陽實卽滄浪古語有類翻切者
左氏江漢雒漳楚之望也北漳繫冀州南漳未繫荊州故別
見於此滄浪之爲夏水無疑也 又案水經沔水又東過城
固縣南以下歷敘所經至又東過荆城東卽所謂又東爲滄
浪之水今南鄭城固洋縣西鄉石泉漢陰紫陽興安洵陽白
河鄖西鄖縣均州光化穀城襄陽宜城鍾祥荆門皆漢水所
經也

過三澌至于大別南入于江

鄭曰三澁水名在江夏竟陵界 後案說文澁埤埵水邊土人所止者水經注引地說曰漢水東行過三澁合流觸大別之陂南與江合是三澁水名也鄭云在江夏竟陵縣界者水經末言禹貢山水澤地所在曰三澁地在南郡卽縣之北酈注引春秋左氏有句澁漳澁雍澁蘧澁服虔或謂之邑或謂之地京相璠曰杜預亦云水際地也惟鄭元及劉澄之言在竟陵縣界經云卽縣北論者疑焉而不能辨其所在卽縣故城在今襄陽府宜城縣東北今並無所謂三澁竟陵今天門縣索隱曰竟陵有三參水俗云是三澁水也大別鄭前注云在安豐漢志續志同京相璠亦曰大別漢東山名杜預酈道元皆不信其說而又不能言其所在左氏定四年吳伐楚舍

舟于淮汭自豫章與楚夾漢杜注豫章漢東江北地夾漢謂
吳軍漢東楚軍漢西也子常濟漢而陳自小別至于大別則
小別大別皆在漢東矣安豐故城在今霍山縣西蓋今英山
麻城羅田諸縣山勢連延西南趨江漢水東北迤行漸及大
別之陂而入江耳元和志云魯山一名大別山在漢陽縣東
北一百步此卽水經注所云古翼際山也則今漢口西岸晴
川閣畔瞰江之山與南岸黃鶴樓相對者非古義也 謹案
大別胡拙明從元和志說爲是

東匯澤爲彭蠡東爲北江入于海

鄭曰匯回也漢與江闕轉東成其澤矣 後案此言道漢故
曰北江下文道江曰中江知彭蠡爲南江矣此條傳疏言三

江入震澤謬不待辨水經亦顛倒失倫漢志石城縣分江水
首受江東至餘姚入海水經亦附會漢志言之今貴池分江
水已滅沒不可見以地理言之大江自石城分派萬無至餘
姚入海之理鄭意蓋以毗陵之北江吳南之南江合此餘姚
之江與浙江通者爲三江當郭璞岷江松江浙江爲三江之
說要皆與鄭注不合 謹案三江之說惟鄭注爲合彭蠡自
受章貢諸水而成北入于江劉歆以爲湖漢諸水是也鄭云
漢與江會而成澤非也

岷山道江東則爲沱

岷本紀作沱
詳見梁州

從案水經岷山在蜀郡氏道縣大江所出東南過其縣北此
下應敘所經至又東至華容縣西夏水出焉此經所謂東房

爲沱者于梁則江原之縣江于荆則夏水兼二水言之也

又東至于澧

澧紀志皆作醴裴引郭亦作醴段云馬王及傳本皆作醴而訓爲水名作澧者衛包所改

鄒曰醴陵名也大阜曰陵今長沙郡有醴陵縣其以陵名爲

縣乎 馬曰醴水名 後案地理志長沙國有臨湘無醴陵

郡國志長沙郡始有醴陵蓋後漢析臨湘縣南境置其地當

在今岳州府臨湘縣之南長沙府醴陵縣之北江湘之間郡

有零陵武陵縣有零陵孱陵沅陵遷陵茶陵昭陵容陵地以

陵名者甚多則臨湘有醴陵不足怪矣 謹按水經澧水出

武陵充縣西歷敘所經至又東至長沙下雋縣西北東入於

江注云澧水流注於洞庭湖蓋澧水注湖由湖達江在今洞

庭湖北澧字今古文皆作醴楚詞亦曰醴浦經言東至于澧

當在今澧州界非長沙之醴陵縣北境也

過九江至于東陵

傳曰江分爲九道在荊州東陵地名 後按九江在今蘄水
蘄州廣濟諸州縣境東陵在今黃梅縣境 謹按九江說見
荊州東陵蔡氏以爲巴陵今岳州巴陵縣也地志水經注以
爲在廬江金蘭西北東陵鄉者非是

東迤北會于匯

釋文迤以爾反馬云靡也

鄭曰東迤者爲南江 後案說文迤衰行也卽引夏書此文
爲證江自九江東陵而東大勢衰行向北然至彭蠡入江處
則南會于匯鄭云云者猶言東迤北而會於匯者爲南江也
上文言東爲北江下文言東爲中江則此匯爲彭蠡自是南

江故鄭補言之也今江自黃梅縣東南德化縣北又東會彭
蠡所謂東迤北會於匯也 孫云鄭云東迤者爲南江者地
理志丹陽郡石城分江水東至餘姚入海會稽郡吳縣南江
在南東入海水經沔水注沔水東至石城縣分爲二其一東
北流注云地理志云江水自石城東出逕吳國南爲南江江
水自石城東入爲賁口東逕石城縣北又東逕宣城之臨城
縣南又東逕安吳縣又東逕甯國縣南又東逕故鄣縣南安
吉縣北又東北爲長瀆歷湖口南江東注於具區謂之五湖
口據此則鄭以會於匯爲入於具區也

東爲中江入于海

傳曰有北有中南可知 疏曰地理志南江從會稽吳縣南

東入海中江從丹陽蕪湖縣西東至會稽陽羨縣東入海北江從會稽毗陵縣北東入海 後案傳誦出南江疏引地志三江當之實皆似是而非也江水發源甚遠其下流則漢自北入其次則彭蠡自南入三水並持而東則江爲中江漢爲北江彭蠡所入爲南江可知三江實一江而南江不勞致功故從略也 又案地志潯氏道下云江水東南至江都入海江都下云有江水祠海陵下云有江海會祠皆以北岸言之毗陵下云北江在北東入海則以南岸言之今泰州泰興靖江如皋通州海門皆漢海陵縣地武進江陰常熟及太倉潯海之鄉皆漢毗陵縣地班氏所言大江原無訛漏而志又以吳松爲南江荆溪爲中江吳松震澤之下流固與江無涉荆

溪所受皆宜歛山脈以入太湖至周處始開以通江禹時亦不通也班氏別而言之並不指爲禹貢三江後人牽而合之遂至大謬非班氏之過也惟石城分江水從今貴池青陽宣城涇縣甯國廣德至安吉入太湖矣而班又云至餘姚入海此水至太湖口不得復至餘姚則不可解者此水今已涇滅不必致詳且班自繫此水於石城縣下並不與北江中江南江相關更可置不論惟水經河水敘至石城分爲二其一東北流又過毗陵北爲北江其一又東至會稽餘姚入海水經不目石城分江水爲南江者以漢志別有南江即松江在吳縣南耳顧注意則用郭璞岷江松江浙江爲三江之說故取石城水而實以南江之名且分南江爲二派上源皆自石城分

江而下流入太湖之後一派東出爲松江下七十里岐分爲
三江曰以入海一派歷烏程縣南通餘姚縣合浙江浦陽江
以入海二派合岷江爲三江如其說則以岷江爲北江浙江
爲南江又將遷松江班志以爲南江爲中江矣夫漢志水經分江水
至餘姚之說若謂徑至則中隔宣歙難以越過若謂由太湖
而至則太湖下流何嘗有入浙江之水鄭意又以松江亦承
石城分江水欲使並列爲二以配大江爲三北人言南水故
誤至此皆不可從謹接近金氏輔之錢氏學源孫氏伯淵
阮氏伯元多主地志水經郭璞之說詳各家書

道沈水東流爲濟入于河溢爲榮

段云沈山海經作灋郭注音

字濟漢志作澇

案澇出河東

垣縣濟出常山房子二字各殊漢人已淆亂矣惟詩風周禮尙作澇也溢爲榮璣方氏注

又北東入于海

本紀作東北

後按地理志沛水自滎陽東至琅槐入海過郡九行千八百四十里今青州府樂安縣東北一百十里有琅槐故城漢縣屬千乘郡是也山海經曰沛水絕鉅野注勃海入齊琅槐東北河水枝津

謂濕川

注之郭璞云沛自滎陽至樂安博昌入海

今河竭沛水仍流不絕以今輿地言之自東平會汶以下東

阿平陰

並屬泰安府

長清齊河厯城章丘鄒平長山新城

並屬濟南府

高苑博興樂安

並屬青州府

諸縣界中皆禹貢沛水入海所經也

又案沛水自東平以下唐人謂之清河至宋又有南北清

河之名河渠志云熙甯十年河決澶州徙而南東匯於梁山

張澤灤分爲二派一合南清河入淮一合北清河入海南清

河卽泗水北清河卽沛瀆也南渡後北清河又有大小之分
蓋自劉瓛道濼東行始今以水經注元和志寰宇記諸書攷
之沛水最南濕水在中河水最北今小清河所經皆古沛瀆
而大清河所經自厯城以上至東阿亦古沛瀆而自厯城東
北如濟陽齊東青城諸縣則皆古濕川蒲臺以北則古河水
所經宋時河嘗行濕瀆及河去則大清河兼行河濕二瀆而小
清則古沛瀆也

道淮自桐柏

後案地志南陽郡平氏縣禹貢桐柏大復山在東南淮水所
出水經云淮水出南陽平氏縣胎簪山東北過桐柏山風俗
通云南陽平氏縣桐柏大復山在東南淮水所出潛行地下

三十許里東出大復山南謂之陽口水南卽復陽縣胎簪寰
宇記謂在桐柏西北三十里漢平氏故城在今河南南陽府
桐柏縣東胎簪最在西水經以其始源潛流者言之大復最
在東漢志以其出陽口者言之桐柏其總名也

東會于泗沂東入于海

後案沂入泗泗入淮於次宜言沂泗古文不拘耳水經云淮
水至廣陵淮浦縣入海淮浦漢縣屬臨淮郡晉改屬廣陵郡
劉宋蓋省入山陽縣今江南淮安府安東縣西有漢淮浦故
城自元時河奪汴泗入淮而清口水經注謂之泗口以東又以一淮

受全河河強淮弱退不敢爭乃穿高堰入高郵寶應山陽泰
州興化鹽城間以入海河無清淮之刷沙積河淤必堅築高

堰使淮不南溢畢趨清口借淮刷黃黃淮並治矣

道渭自鳥鼠同穴

鄭曰鳥鼠之山有鳥焉與鼠飛行而處之又有止而同穴之山焉是二山也鳥名爲鷁似鷄而黃色鼠如家鼠而短尾穿地而其處鼠內而鳥外 後案漢志隴西郡首陽縣禹貢鳥鼠同穴在西南渭水所出東至船司空入河過郡四行千八百七十里雍州寢水經渭水注引地說曰鳥鼠山同穴之枝榦也渭水出其中東北流過同穴枝閒蓋其山脈聯屬二而一者也山在今渭源縣西渭水出東流逕其縣北又東入鞏昌府隴西縣界船司空故城在今華陰縣東北五十里

東會于澧又東會于涇

本紀作又東北至於涇段云今文

傳曰灋水自南涇水自北而合渭 後案水經渭水篇白鳥
鼠下歷敘所經至槐里縣南澇水注之下云又東豐水從南
來注之豐水今自長安縣界西北流逕咸陽縣東南三里入
渭漢志涇水東南至陽陵入渭陽陵故城在今高陵縣西南
三十里

又東過漆沮入于河

傳曰漆沮二水名亦曰洛水出左馮翊北 疏曰地志漆水
出扶風漆縣依十三州記漆水在岐山東入渭則與此漆沮
不同矣此云會於涇又東過漆沮是漆沮在涇東故孔以爲
洛水一名漆沮水經沮水出北地直路縣東入洛水又云鄭
渠在太上皇陵東南濁水入焉俗謂之漆水又謂之漆沮其

水東流注於洛水至馮翊懷德縣東南入渭以水地考之與
毛詩古公自土沮漆者別也彼漆卽扶風漆水彼沮則未聞
後案直路故城在今鄜州中部縣西北二百里懷德今同
州府朝邑縣縣西南四十三里有漢懷德故城禹貢豫有雒
雍不言洛洛水之名起於周初雍州其浸渭洛詩瞻彼洛矣
毛傳云宗周漑浸水也漢志洛水出北地歸德縣北蠻夷中
入河又匈奴傳武王居豐鎬放逐戎夷涇洛之北師古注此
洛卽漆沮之水也本出上郡雕陰秦冒山東南入渭殷本紀
西伯獻洛西之地正義云洛水一名漆沮水在同州洛西之
地謂洛西及丹方等州也以上皆闕駟所謂洛此經所謂東
過漆沮也以今輿地言之渭水自高陵咸甯縣界東逕臨潼

縣北渭南縣北同州南華州北華陰縣北又東入河是曰渭
口水經注云春秋之渭汭也

道洛自熊耳

段云洛常作
雒說見前

傳曰在宜陽之西 後案漢志上洛縣東北有熊耳山水經
洛水出京兆上洛縣謹舉山酈注漢地志洛出冢領山山海
經曰出上洛西山又曰謹舉之山洛水出焉東與丹水合又
東尸水注之又東得乳水又東會於龍餘之水又東門水出
焉爾雅所謂洛別爲波也洛水又東要水入焉又東與獲水
合又東逕熊耳山以今輿地言之洛水出陝西商州西熊耳
山東北流逕州東

商州春秋晉上
洛邑漢爲縣

又東北逕洛南縣北

本漢
上洛

縣地所謂道洛自熊耳也

東北會于澗澧

傳曰會於河南城南 後案河南卽周王城洛水至其城西
南澗水自城西來注之又東至其城東南澧水自城東來注
之所謂澗水東澧水西也以今輿地言之洛水自洛南縣北
又東逕陝州盧氏縣南河南府永甯縣南宜陽縣北又東入
洛陽縣界逕河南故城南漢河南縣故城在今河南府城西北經所謂東北會
於澗澧也自周靈王壅穀水使東出王城北合澧水南入洛
而城西之澗水遂爲死穀及漢明帝復竭澗澧二水使出洛
陽故城北爲千金渠又東過偃師縣南東入洛而禹貢東會
澗澧之蹟無存矣

又東會于伊

傳曰合於洛陽之南 後案洛陽謂故洛陽城周下都也在
今洛陽縣東北二十里以今輿地言之洛水自河南故城南
又東北逕洛陽縣東南又東至洛陽故城南伊水從偃師西
來注之所謂又東會於伊也

又東北入于河

傳曰合於鞏之東 後案鞏周邑漢置縣屬河南郡故城在
今鞏縣西南二十餘里山海經曰洛水成皋西入河水經注
云謂之洛汭卽什谷也以今輿地言之洛水自會伊水又東
逕偃師縣南鞏縣故城南今縣在河南府東一百二十里隋所遷也又東北至洛
口入河洛口在鞏縣故城東北三十里今縣北少東入里漢志雒水至鞏入河過郡二宏農河南行千七十里
所謂又東北入於河也今洛水自鞏界東過汜水縣北汜水故城

阜西至華縣界十五里 又東從滿家溝入河洛口乃移於東
又二十五里爲縣治

非古之什谷矣 正義漾江先山後水淮渭洛先水後山皆

史文詳略無義例也

九州攸同四隩既宅九山刊旅九川滌源九澤既陂四海會同

六府孔修

段云隩當从說文玉篇作壩紀志大傳正義本作與今文也衛包及石經以下作隩刊當作萊開母廟石

闕銘作甄源當作原陂河渠書作麗古音同

傳曰攸同所同事在下四方之士已可居九州名山已槎木

通道而旅祭九州之川已滌除泉原無壅塞九州之澤已陂

障無決溢四海之內會同於京師九州同風萬國共貫水火

金木土穀甚修治

庶上交正底慎財賦

鄭曰取土美惡及高下得其正矣亦致其貢篚慎奉其財物之稅皆法定制而入之也

咸則三壤成賦

傳連下中邦爲句今從鄭讀

鄭曰三壤上中下各三等也 後案於三等中又分九等也上文財賦兼貢賦言賦重於貢故又別言之咸則三壤而成正交正底慎之實也

中邦錫土姓祗台德先不距朕行

邦紀志皆作國下男邦同錫紀作賜釋文台徐音怡朕當

作佚古文訓字

鄭曰中邦九州也天子建其國諸侯胙之土賜之姓命之氏其敬說天子之德既先又不距違我天子政教所行 後案說文女部云神農居姜水黃帝居姬水虞舜居姚虛鳩訥皆

以爲好國語稱帝嘉周德賜姓曰妣胙四岳國賜姓曰姜是
胙土乃賜姓也

五百里甸服

段云夏本紀令天子之國以外五百里甸服甸服外五百里
侯服侯服外五百里綏服綏服外五百里要服要服外五百
里荒服按天子之國千里加甸侯綏要荒五服每服五百里
面三千里爲方六千里賈逵馬融說同此若孔傳說甸服千
里加侯綏要荒四服每服五百里而二千五百里爲方五千
里與史記賈馬不同正義謂馬遷與傳意同誤也 謹案本
紀天子之國謂王城也

百里賦納總二百里納銍三百里納秸服四百里粟五百里米

納釋文如字本或作內音同銍詩甫田疏作程段云俗字粘釋文本或作藉工八反馬云去其穎曰蘇段云禮器鄭注引作納秣服地志作內夏服

鄭曰甸服者堯制賦其田使入穀禹弼其外百里者賦入總謂入所刈禾也二百里銍銍斷其稾也三百里秸秸又去穎也四百里入粟五百里入米者遠彌輕也甸服之制本自納總禹爲之差使百里者從之耳傳曰規方千里之內謂之甸服爲天子服治田去王城四面五百里百里甸服內之百里近王城者禾稾曰總入之供飼國馬銍刈謂禾穗秸稾也服棄役四百里粟五百里米所納精者少麤者多後案春秋傳云甸粟而納之王宮米而藏之御廩九數有粟米法爲粟二十斛爲米十斛粟米之辨也周官倉人掌粟入之藏春

人掌供米物有穀曰粟無曰米總銓之實亦粟也賦粟多而米少粟宜於穀米不可久也

五百里侯服百里采二百里男邦三百里諸侯

男邦本紀作侯國段云古音同

馬曰采事也各受王事者 傳曰侯侯也斥侯而服事采供王事而已不主男任也任王事者三百里諸侯同爲王者斥侯故合三爲一名 謹案王制千里之外曰采百里采者去王畿百里食采邑而不受國也二百里男邦者周制寰內諸侯曰子春秋合伯子男爲一等殷制也于夏則曰男邦蔡氏曰諸侯之爵大國次國也先小國而後大國者大可以禦外侮小得以安內附也

五百里綏服三百里揆文教二百里奮武衛

傳曰綏安也安服王者政教揆度也度王者文教而行之者
武衛天子所以安 蔡氏曰文以治內武以治外聖人所以
嚴華夏之辨者如此

五百里要服三百里夷二百里蔡

段云蔡殺梁同音
後案蔡乃藥之誤

馬曰夷易也蔡法也受王制者刑法而已 鄭曰蔡之言殺
滅殺其賦 傳曰綏服外之五百里要束以文教夷守平常
之教事王者而已蔡法也法三百里而差簡 蔡氏云要服
去王畿已遠皆夷狄之地其文法略於中國特羈縻之而已
蔡放也流放罪人於此也

五百里荒服三百里蠻二百里流

馬曰荒政教荒忽因其故俗而治之蠻慢也禮簡怠慢來不

距去不禁流流行無城郭常居處甸服之外每百里爲差所
納總銓結粟米者是甸服之外特爲此數其侯服之外每言
三百二百里者還就其服之內別爲名耳非是服外更有其
地也甸服之外五百里至王城千里其侯綏要荒服各五百
里是面三千里相距爲方六千里 鄭曰蠻者聽從其俗羈
縻其人耳故云蠻蠻之言緡也每言五百里一服者是堯舊
服每服之外更言三百里二百里者是禹所弼之殘數也堯
之五服服五百里耳禹平水土之後每服更以五百里輔之
堯之時土廣五千里五服服別五百里及禹弼之每服之間
更增五百里而別至於五千里相距爲方萬里甸服比周爲
王畿其弼當侯服在千里之內侯服於周爲甸服其弼當男

服在二千里之內綏服於周爲采服其弼當衛服在三千里之內要服於周爲蠻服其弼當夷服在四千里之內荒服於周爲鎮服其弼當蕃服在五千里之內 王曰賈馬旣失其實鄭元尤不然矣傳稱萬盈數也萬國舉盈數而言非謂其數滿萬也詩云綏萬邦又曰揉此萬邦豈周之建國復有萬乎天地之勢平原者甚少山川所在不啻居半豈以不食之地亦封建國乎王圻千里封五十里之國四百則圻內盡以封人王城宮室無建立之處言不顧實何至此也百國一師不出典記自造此語何以可從禹朝羣臣於會稽魯語文也執玉帛者萬國左傳文也采合二事亦爲謬矣禹之功在平治山川不在於拓境廣土土地之廣三倍於堯而書傳無稱

焉則鄭元創造雖可據信漢之孝武疲弊四國甘心三方天下戶口至減大半然後僅開緣邊之郡而已禹方憂洪水三遇其門而不入未暇以征伐爲事且其所以爲服之名輕重顛倒遠近失所難得而通矣先王規方千里以爲甸服其餘以均分公侯伯子男使各有寰宇而使甸服之外諸侯皆入禾稊非其義也司馬遷以諸小數皆五百里服之別名大界與堯不殊得之矣 傳曰荒簡略蠻以文德蠻來之不制以法流移也言政教隨其俗 蔡氏曰流流放罪人之地罪有輕重故地有遠近之別也

東漸于海西被于流沙朔南暨聲教訖于四海

段云暨當作臤聲教漢人屬上

讀後案鄭以聲教屬下讀

鄭曰朔北方也南北不言所至容諭之段云賈捐之引此

文說曰欲興聲教則治之不欲與者不强治也暨與也古無上去

之師古讀曰預苟悅漢元帝紀引作豫地志暨作泉說文泉

者眾與詞也後案爾雅九夷八狄七戎六蠻謂之四海孫

炎注海之言晦晦間於禮儀也四海以地言非以水言也

禹錫元圭告厥成功本紀作於是帝錫禹元圭以告成功於天下

尚書旋璣鈴曰禹開龍門道積石山元珪出刻曰延喜王受

德天錫佩太平御覽八十二謹案本紀之說爲正中侯亦出七十

子猶箕子言天乃錫禹洪範九疇也

皇清經解續編卷三百二十五終

仁和邵順穎校
桐城姚永繁校